

宋史

第四  
十  
冊

蘇子瞻

PDG

宋史卷一百六十五

職官志第一百十八

職官五

大理寺

鴻臚寺

司農寺

將作監

國子監

少府監

大理寺

舊置判寺一人

兼少卿事一人

建隆三年以工部尚書

賈儀判寺事凡獄訟之事隨官司決劾本寺不復聽訊但掌斷天

下奏獄送審刑院詳訖同署以上手朝詳斷官八人以京官充大理止丞評事皆有定員分掌斷獄其後擇它官明法令者若常參官則兼正未常參則兼丞謂之詳斷官舊六人後加至十一人又去兼正丞之名咸平二年始定置法直官

二人以幕府州縣官充改京官則為檢法官元豐官制行置卿一

人少卿二人正二人推丞四人斷丞六人司直六人評事十有二

人主簿二人卿掌折獄詳刑鞠讞之事凡職務分左右天下奏劾

命官將校及大辟囚以下以疑請讞者隸左斷刑則司直評事詳

大理止丞評事皆有定員分掌斷獄其後擇它官明法令者若常參官則兼正未常參則兼丞謂之詳斷官舊六人後加至十一人又去兼正丞之名咸平二年始定置

斷丞議之正審之若在京百司事當推治或特旨委勘及係官之物應追究者隸右治獄則丞專推鞫蓋少卿分領其事而卿總勇凡刑獄應審議者上刑部被旨推鞫及情犯重者卿同所隸官請對奏裁若獄空或斷絕則御史案實以聞分案十有一置吏六十有九先是舊制大理寺讞天下奏案而不治獄熙寧五年增詳斷官二爲十員七年置詳斷習學官十四詳覆習學官六九年詔以京師官寺凡有獄皆繫開封府司錄司及左右軍巡三院囚逮猥多難於隔訊又暑多瘦歿因緣流滯動涉歲時稽參故事宜屬理官可復置大理獄始命崔台符爲知卿事蹇周輔楊汲爲少卿各舉丞及檢法官初神宗謂國初廢大理獄非是以問孫洙洙對合旨至是命官起寺十七日而成元豐二年手詔大理寺近舉墜典俾治獄事推輪規摹皆以義起不少寬假必懷顧忌稽畱弊害無

異前日立依推制院及御史臺例不供報糾察司三年詔依舊供  
報凡官屬依御史臺例<sub>具</sub>有禁又詔糾察司察訪本寺斷徒以上  
出入不當者索案點檢五年詔毋以大理寺官爲試官六年又詔  
凡斷公案先上正看詳當否論難改正簽印注日然後過議司覆  
議如有批難具記改正長貳更加審定然後判成錄奏又刑部言  
應吏部補授大理寺左斷刑官先與刑部大理寺長貳同議可否  
然後注擬仍取經試得循資以上人充正闕以丞補丞闕以評事  
補詔刑部吏部同著爲令八年詔大理寺推斷事應奏及上尙書  
省者更不先申本曹元祐元年以右治獄勘斷公事全少併左右  
兩推爲一司三年三省請罷右治獄依三司舊例置推勘檢法官  
于戶部從之又詔大理寺竝置長貳四年從刑部請改本寺條任  
大理官失斷徒已上五人或或舉二人不在選限

舊條失斷徒已上  
三人或或舉一人詔

聖元年詔斷刑獄官依元豐元年選試法二年復置右治獄置官屬如元豐制左右推事有齟異者互送再有異者朝廷委官審問或送御史臺治之元符元年應大理寺開封府承受內降公事不得奏請移送又詔應奏斷公事依開封府專條不許諸處取索崇寧四年詔大理寺官諸司輒奏辟者以違制論政和二年詔法官任滿擇職事修舉人材可錄者奏舉再任仍許就任開升理本等資序五年依熙豐故事復置習學公事四員長貳立課程正丞同指教宣和七年評事以上竝差試中刑法人又詔大理寺開封府承受公事依法斷遣不得乞降特旨中興併省官寺惟大理寺不併紹興初詔正與丞竝堂除評事闕則委本寺長貳選擇應格人赴刑部議定申朝廷差填如無應格卽選諳習刑法人權充又立比較法以懲差失隆興二年評事鞏衍言評事檢斷躬自節案親

書斷語最爲勞苦詔增置以八員爲額淳熙未嚴寺官出謁之禁以防請託漏泄之弊紹熙初除試中刑法評事八員外司直主簿選用有出身曾歷任人各兼評事繫銜將八評事已擬斷文字分兩廳點檢或有未安則述所見與長貳商量慶元四年定逐季仲月定日斷絕之法嘉定八年申嚴紹熙指揮重司直主簿之選增選試取人數以勸法科左斷刑分案三日磨勘掌批會吏部等處改官事曰宣黃掌凡斷訖命官指揮曰分簿掌行分探諸案文字設司有四曰表奏議掌拘催詳斷案八房斷議獄案兼旬申月奏曰開折曰知襍曰法司又有詳斷案八房專定斷諸路申奏獄案等又有敕庫掌收管架閣文書吏額胥長一人胥史三人胥佐三十人貼書六人楷書十四人隆興其成七人右治獄分案有四曰左右寺案掌斷訖公事案後收理追贓等曰驅磨掌驅磨兩推官錢官物文

書曰檢法掌檢斷左右推獄案併供檢應用條法曰知襍又有開折表奏二司有左右推主鞫勘諸處送下公事及定奪等吏額前司胥史一人胥佐九人表奏司一人貼書三人左右推胥史二人胥佐八人般押推司四人貼書四人

隆興共減五人

鴻臚寺

舊置判寺事一人以朝官以上充元豐官制行置卿一

人少卿一人丞主簿各一人卿掌四夷朝貢宴勞給賜送迎之事

及國之凶儀中都祠廟道釋籍帳除附之禁令少卿爲之貳丞參

領之凡四夷君長使价朝見辨其等位以賓禮待之授以館舍而

頒其見辭賜予宴設之式戒有司先期辦具有貢物則具其數報

四方館引見以進諸蕃封冊卽行其禮命若崇義公承襲則辨其

嫡庶具名上尙書省其周嵩慶懿陵廟命官以時致享若凶儀之

節宗室以服臣僚以品辨其喪紀而詔奠臨賻贈之制禮儀成服

則卿掌贊導之儀葬則預戒有司具鹵簿儀物分案四置吏九其  
官屬十有一 往來國信所掌大遼使介交聘之事 都亭西驛

及管幹所掌河西蕃部貢奉之事 禮賓院掌回鶻吐蕃党項女

眞等國朝貢館設及互市譯語之事 懷遠驛掌南蕃交州西蕃

龜茲大食于闐甘沙宗哥等國貢奉之事 中太一宮建隆觀等

各置提點所掌殿宇齋宮器用儀物陳設錢幣之事 在京寺務

司及提點所掌諸寺葺治之事 傳法院掌譯經潤文 左右街

僧錄司掌寺院僧尼帳籍及僧官補授之事 同文館及管句所

掌高麗使令 已上竝屬鴻臚寺中興後廢鴻臚不置併入禮部

司農寺 舊置判寺事二人以兩制朝官以上充主簿一人以選

人充掌供籍田九種大中小祀供豕及蔬果明房油與平糶利農

之事元豐官制行始正職掌置卿少卿丞主簿各一人卿掌倉儲



委積之政令總苑囿庫務之事而謹其出納少卿爲之貳丞參領之凡京都官吏祿廩辨其精粗而爲之等諸路歲運至京師遣官閱其名色而分納于倉庾彙積則歸諸場歲具封椿月具見存之數奏聞給兵食則進呈糧樣因出納而受賂刻取者嚴其禁有負欠者計其虧數上于倉部凡諸路奏雨雪之闕與過多者皆籍之凡苑囿行幸排比及薦饗進御頒賜植藏之物戒有司先期辦具造麴糶儲薪炭以待給用天子親耕籍田有事于先農則卿奉耒耜少卿率屬及庶人以終千畝分案六置吏十有八初熙寧二年置制置條例司立常平斂散法遣諸路提舉官推行之三年五月詔制置司均通天下之財以常平新法付司農寺增置丞簿而農田水利免役保甲等法悉自司農講行初以太子中允呂惠卿判司農寺改同判寺胡宗愈爲兼判四年以御史知雜鄧綰判寺曾

布同判詔諸路提舉常平官課績田寺考核升出管幹官令提舉  
司保明計功賞之六年以司農閒遣屬官出視諸路力有不給乃  
置幹當公事官以葉康直等四人爲之七年本寺言所主行農田  
水利免役保甲之法指置未盡官吏推行多違法意欲榜諭官私  
使人陳述有司違法從寺案察九年以幹當公事官所至輒用喜  
怒罷之從熊本請也元豐四年減丞一主簿三官制行寺監不治  
外事司農事舊職務悉歸戶部右曹元祐三年詔司農寺置長貳  
五年以本寺主簿兼檢法八年復置提轄修倉所紹聖元年詔罷  
官屬以其事歸將監四年罷主簿添丞一員政和六年浙西諸州  
各置排岸一員從兩浙運副應安道請也所隸官屬凡五十倉  
二十有五掌九穀廩藏之事以給官吏軍兵祿食之用凡綱運受  
納及封樁支用月具數以報司農草場十有二掌受京畿芻結

以給牧監飼秣排岸司四掌水運綱船輸納雇直之事 園苑四  
玉津瑞聖宜春瓊林苑掌種植蔬蒔以待供進修飭亭宇以備游  
幸宴設 下卸司掌受納綱運 都麴院掌造麴以供內酒庫酒  
醴之用及出鬻以收其直 水磨務掌水磴磨麥以供尙食及內  
外之用 內柴炭庫掌儲薪炭以給宮城及宿衛班直軍士薪炭  
席薦之物 炭場掌儲炭以供百司之用 建炎三年罷司農寺  
以事務併隸倉部紹興三年復置丞二員凡有合行事務申戶部  
施行四年復置寺仍置卿少十年復置簿隆興元年併省主簿一  
員明年詔如舊制乾道三年詔糧綱有欠從本寺斷遣監納情理  
重者大理寺推勘分案五南北省倉草料場和糴場隸焉監倉官  
分上中下界司其出納諸場皆置監官外有監門官交量則有檢  
察斛面官綱運下卸有排岸司官各分其事以佐本寺 豐儲倉

所置監官二員監門官一員初紹興以上供米餘數椿管別廩以爲水旱之助後又增廣收糴淳熙間命右司爲之提領後以屬檢正非奉朝廷指揮不許支撥別置赤曆提領官結押不許褻同司農寺收支經常米數凡外州軍起到椿管米從司農寺差官盤糧據納到數報本所椿管監官監門官遇考任滿所屬批書外仍于本所批書視其有無欠折以定其功過在外則鎮江建康亦置倉

太府寺 舊置判寺事一人以兩制或帶職朝官充同判寺一人

以京朝官充凡廩藏貿易四方貢賦百官奉給時皆隸三司本寺但掌供祠祭香幣帨巾神席及校造斗升衡尺而已元豐官制行始正職掌置卿少卿各一人丞主簿各二人卿掌邦國財貨之政令及庫藏出納商稅平準貿易之事少卿爲之貳丞參領之凡四

方貢賦之輸于京師者辨其名物視其多寡別而受之儲於內藏者以待非常之用頒于左藏者以供經常之費凡官吏軍兵奉祿賜予以法式頒之先給曆從有司檢察書其名數鈎覆而後給焉供奉之物則承旨以進審奏得畫乃聽除之若春秋授軍衣則前期進樣定其頒日畿內將校營兵支請月具其數以聞凡商賈之賦小賈卽門征之大賈則輸於務貨之不售者平其價鬻於平準乘時賒貸以濟民用若質取於官則給用多寡各從其抵歲以香茶鹽鈔募人入豆穀實邊卽京都關用物預報度支凡課入以盈虧定課最行賞罰大祀晨禱則卿置幣奠玉則入陳玉帛餘祀供其帨巾分案九置吏六十有五元祐初以倉部郎官印發文鈔三年復歸本寺又詔太府置長貳五年令長貳每月分巡所轄庫務元符元年增置丞一員三年改市易案爲平準其市易務亦如之

崇寧中置藥局七所添丞一員點檢宣和三年減罷靖康元年詔  
內外官司局所依熙寧法錢物竝納左藏庫凡省一百五所又詔  
戶部太府寺長貳當職官及本庫官吏奉錢候在京官吏支訖竝  
足方許支給從戶部尚書梅執禮之請也所隸官司二十有五  
左藏東西庫掌受四方財賦之入以待邦國之經費給官吏軍兵  
奉祿賜予舊分南北兩庫政和六年修建新庫以東西庫爲名  
西京南京北京各置左藏庫 內藏庫掌受歲計之餘積以待邦  
國非常之用 奉宸庫掌供內庭凡金玉珠寶良貨賄藏焉 祇  
候庫掌受錢帛器皿衣服以備傳詔頒給及殿庭賜予 元豐庫  
掌受諸路積贖及常平錢物凡封樁者皆入焉

神宗常憤契丹崛起慨然  
有恢復幽燕之志聚金帛

內帑自製四言詩一章曰五季失國獫狁孔熾藝祖造邦思有懲艾爰設內府基以募士曾孫保  
之敢忘厥志每庫以詩一字目之儲積皆滿又別置庫賦詩一十字分揭於庫曰每度夕惕心憂  
意遵遺業願予不武妾何日成戎

捷徽宗朝又有崇寧庫大觀庫

布庫掌受諸道輸納之布辨其名物以待

給用 茶庫掌受江浙荆湖建劔茶茗以給翰林諸司及賞賚出  
鬻 襍物庫掌受內外襍輸之物以備支用 糧料院掌以法式  
頒廩祿凡文武百官諸司諸軍奉料以券準給 審計司掌審其  
給受之數以法式驅磨 都商稅務掌收京城商旅之算以輸于  
左藏 汴河上下鎖蔡河上下鎖掌收舟船木筏之征 都提舉  
市易司掌提點貿易貨物其上下界及諸州市易務襍買務襍賣  
場皆隸焉 市易上界掌斂市之不售貨之滯於民用者乘時留  
易以平百物之直 市易下界掌飛錢給券以通邊糴襍買務掌  
和市百物凡宮禁官府所需以時供納 襍賣場掌受內外幣餘  
之物計直以待出貨或準折支用 權貨務掌折博斛斗金帛之  
屬 交引庫掌給印出納交引錢鈔之事 抵當所掌以官錢聽  
民質取而濟其緩急 和劑局惠民局掌修合良藥出賣以濟民

疾 店宅務掌管官屋及邸店計置出餽及修造之事 石炭場

掌受納出賣石炭 香藥庫掌出納外國貢獻及市舶香藥寶石

之事 建炎詔罷太府寺以其所掌職務撥隸金部紹興元年復

以章億守太府寺丞措置印給茶鹽鈔引續添置丞二員四年復

置卿少各一員十年復置主簿十一年詔交引庫書押鈔引寺丞

兩員遇合推賞各與減磨勘二年尋詔三丞一體行之隆興元年

併省主簿一員明年如舊制設案七以序次分管監交案隨逐丞

簿赴左藏庫監交看驗綱運錢物中興後所隸惟有糧料院審計

司左藏東西庫交引庫祇候庫和劑庫惠民局如前制所置 左

藏南庫 係椿管御前  
激賞庫改 以待從官提領又置提轄檢察官一員 編估

局打套局 二局係揀選市舶香藥程  
物等第會其直以待貿易 寄椿庫 掌發賣香藥匹帛狗  
其直歸于左藏南庫 置監官提領二

人



國子監 舊置判監事二人以兩制或帶職朝官充凡監事皆總

之直講八人以京官選人充掌以經術教授諸生舊以講書為名無定員  
淳化五年判監李至奏

為直講以京朝官充其後又有講書說書之名並以幕職州縣官充其熟於講說而秩滿者  
稍遷京官皇祐中始以八人為額每員各專一經並選擇進士併九經及第之人相參薦舉丞

一人以京朝官或選人充掌錢穀出納之事主簿一人以京官或

選人充掌文簿以句考其出納舊制祭酒闕  
始置判監事監生無定員並有蔭及京畿  
人初隸監授業

後補監生或隨屬游官以久離本貫不克赴鄉薦而文藝可稱亦許隸補試  
展文教進士太學教九經五經三禮三傳學究律學館教明律餘不常置元豐官制行

始置祭酒司業丞主簿各一人太學博士十人舊係國子監直講元豐三年  
詔改為太學博士每經二人

正錄各五人武學博士二人律學博士正各一人 祭酒掌國子

太學武學律學小學之政令司業為之貳丞參領監事凡諸生之

隸于太學者分三舍始入學驗所隸州公據以試補中者充外舍

齋長諭月書其行藝于籍行謂率教不戾規矩藝謂治經程文季

終者于學諭次學錄次學正次博士然後考于長貳歲終校定具

注于籍以俟覆試視其校定之數參驗而序進之凡私試孟月經義仲月論季月策公試初場以經義次場以論策試上舍如省試法凡內舍行藝與所試之等俱優者爲上舍上等取旨命官一優一平爲中以俟殿試一優一否或俱平爲下以俟省試唯國子生不預考選凡課試升黜教導之事長貳皆總馮車駕幸學則率官屬諸生班迎卽行在距學百步亦如之凡釋奠于先聖先師及武成王則率官屬諸生共薦獻之禮歲計所隸三舍生升降多寡之數以爲學官之殿最賞罰 博士掌分經講授考校程文以德行道藝訓導學者 正錄掌舉行學規凡諸生之戾規矩者待以五等之罰考校訓導如博士之職 職事學錄五人掌與正錄通掌學規學諭二十人掌以所授經傳諭諸生直學四人掌諸生之籍及幾察出入凡八十齋齋置長諭各一人掌表率齋生凡戾規矩

者糾以齋規五等之罰仍月考齋生行藝著于籍 武學博士學

諭各二人掌以兵書弓馬武藝訓誘學者 律學博士二人掌傳

授法律及校試之事 小學置職事教諭二人掌訓導及考校責

罰學長二人掌序齒位糾不如儀者 集正二人掌籍諸生名氏

糾程課不逮者熙寧初詔用經術取士廣闊黌舍分爲三學增置

生徒總二千八百人隸籍有數給食有等庫書有官治疾有醫分

案八置吏十元豐三年詔自今奏舉太學博士先以所業進呈五

年詔國子監官差承務郎以上闕卽差選人充正官立行守試請

奉法八年詔罷太學保任同舉法元祐元年詔太學每歲公試以

司業博士主之如春秋補試法左司諫王巖叟言大學生補中人

乞竝許應舉罷一年之限詔國子監立法又詔給事中孫覺祕書

少監顧臨崇政殿說書程頤國子監長貳看詳修立國子監條例

又詔置春秋博士一員二年增司業一員又詔內外學官選年三十以上歷任人充三年詔國子監置長貳四年詔太學正錄依熙寧法選上舍生充闕則以內舍生五年殿中侍御史岑象求言國子監無叩問師資之益學官不以訓導爲己任補試伺察不嚴有假手之弊詔禮部相度以聞本部言生員遇有請益許見長貳仍詔生員以所納齋課於講堂上指諭并委博士逐月巡所隸齋詢考生員所業凡私試不鎖宿欲令不罷講說從之紹聖元年監察御史劉拯言太學復行元豐中三舍推恩注官免省試免解試之制夫舊法欲行必先嚴考察請自今太學長貳博士正錄選學行純備眾所推服者爲之有弛慢不公考察不實則重加譴責差職掌長諭改正如元豐舊制從之又詔內外學官非制科進士出身及上舍生入官者竝罷又詔太學正錄依元豐舊制各置五人又

詔太學生舍生竝依元豐學制重行考察依舊條推恩左司諫翟  
思言元豐太學令訓迪糾禁亦具矣今追復經義取士乞令有司  
看詳依舊頒行詔送國子監又詔內外學官選進士出身及經明  
行修人又詔學官竝召試國子監長貳臺諫官外監司皆許薦舉  
三年司業龔原言公試依元豐舊制以長貳監試輪差博士五員  
考試乞朝廷更差官五員參考從之元符元年詔有官人許入太  
學充監生毋過四十人三年復置春秋博士崇寧元年省罷崇寧元年宰臣  
蔡京言有詔天下皆興學貢士以三舍考選法徧行天下聽每三  
年貢入太學上舍試仍別爲考分爲三等若試中上等補充太學  
上舍試中中等下等者補充內舍餘爲外舍生仍建外學于國之  
南待其歲考行藝升之太學其外學官屬司業一人丞一人博士  
十人學正五人學錄五人職事人保學生充學錄五人學諭十人

直學二人齋長齋諭各一人外舍生三千人太學上舍一百人內舍三百人候將來貢試到合格者卽上舍以二百人內舍以六百人為額處上舍內舍于太學處外舍于外學外學置齋一百講堂四每齋三十人太學自訟齋移於外學諸路貢士竝入外學候依法考選校試合格升之太學爲上舍內舍生見爲太學外舍生依舊在太學候外學成日取旨外學竝依太學敕令格式從之二年罷春秋博士三年詔辟雍置司成司業各一員四年詔辟雍待四方貢士在國之郊太學教養上舍生在王城之內內外旣殊高下未倫辟雍有司成在侍郎之次國子有祭酒司業列於卿少事體不順合行釐正改辟雍司成爲太學司成總國子監及內外學事凡學之事皆許專達仍立學官謁禁大觀元年置國子博士四員國子正錄各二員太學辟雍博士共置二十員國子太學每經一

員辟雍二員從薛昂之請也三年詔諸路贍學餘錢竝起發充在

京學事支用四年詔省國子辟雍博士五員太學命官學錄一員

辟雍二員國子命官正錄及命官直學國子監書庫官等官竝省

罷依紹聖格毋用謄錄政和元年詔兩學博士正錄依舊制選試

朝廷除授七年新提舉河東路學事王格言崇寧初建辟雍于郊

以處貢士及外舍生立太學于國以處上舍內舍由州郡而貢之

辟雍由辟雍而升之太學法行之初上內舍之選未眾故外舍有

校定者畱太學無校定者出辟雍比年上內舍人日增而太學又

有國子隨行親及小學生人數已多居處迫隘乞以外舍生有無

校定竝居辟雍升補上內舍乃入太學從之八年詔兩學博士正

錄并諸州教授兼用元豐試法仍止試一經

吏部具到元豐法進士第一甲  
或省試十名內或府監發解五

名內或太學公私試三名內或季試兩次爲第一人或上舍內舍生或曾充經論以上職掌  
或投所業乞試竝聽試入上等注博士中下等注正錄即人多闕少願注諸州教授者聽

宣

和三年詔罷天下三舍太學以三舍考選開封府及諸路以科舉取士州學未行三舍以前應置學宮及養士去處依元豐舊制太學生並撥填舊額辟雍正額入太學者撥入額外依舊制過填闕諸內舍上等校定人願入太學者與免補試辟雍官屬並罷又詔國子博士正錄改充太學正錄七年臣僚言熙豐閒博士未嘗除代近年以來席未暖而代者已至當從正錄第進新除太學博士胡世將周利建乞改除正錄候將來升爲博士從之靖康元年諫議大夫馮澥言朝廷罷元祐學術之禁不專王氏之學六經之旨其說是者取之今學校或主一偏之說執一偏之見願詔有司考校敢私好惡去取重行黜責又詔太學博士替成資闕建炎三年詔國子監併歸禮部未幾詔復養生徒置博士紹興十二年置祭酒司業各一人十二年太學成增置博士正錄參用元祐紹聖監



學法修立監學新法詔國子博士正錄通治諸齋學官闕從本監  
選舉其後監學博士正錄增減不齊兼攝並置不一至隆興以後  
正錄不兼權祭酒司業並置復書庫官又定國子博士一員太學  
博士三員正錄共四員學官之制始定淳熙四年置監門官一員  
兼管石經閣以不釐務使臣充以後相承不改 武學慶曆三年  
詔置武學于武成王廟以阮逸爲教授八月罷武學以議者言古  
名將如諸葛亮羊祜杜預等豈專學孫吳故也熙寧五年樞密院  
言古者出師受成於學文武弛張其道一也乞復置武學詔于武  
成王廟置學元豐官制行改教授爲博士紹興十六年詔修建武  
學武博武諭以兵書弓馬武藝誘誨學者紹興二十六年詔武學  
博士學諭各置一員內博士於文臣有出身或武舉出身曾預高  
選充其學諭差武學人後又除文臣之有出身者 宗學元豐六

年宗室令鑠乞建宗學詔從之既而申輟建中靖國元年復置崇  
寧初立月書季法南渡初建學嘉定更新置四齋後再增三齋宗  
學博士舊諸王宮大小學教授也至道元年太宗將爲皇姪等置  
師傅執政謂環衛之官非親王比當有降乃以教授爲名咸平初  
遂命諸王府官分兼南北宅教授南宮者太祖太宗諸王之子孫  
處之所謂睦親宅也崇寧五年又改稱某王宮宗子博士位國子  
博士之上靖康之亂宗學遂廢紹興四年始復置諸王宮大小學  
教授二員隆興省其一嘉定九年十二月始復置宗學改教授爲  
博士又置宗學諭一員竝隸宗正寺在太常博士之下諭在國子  
正之上奉給賞典依國子博士及正例於是宗室疏遠者皆得就  
學旋有旨復存諸王宮大小學教授一員書庫官淳化五年判  
國子監李志言國子監舊有印書錢物所名爲近俗乞改爲國子

監書庫官始置書庫監官以京朝官充掌印經史羣書以備朝廷  
宣索賜予之用及出鬻而收其直以上於官元豐三年省中興後  
併國子監入禮部紹興十三年復置一員三十一一年罷隆興初詔  
主簿兼書庫乾道七年復置一員

少府監 舊制判監事一人以朝官充凡進御器玩后妃服飾雕  
文錯綵工巧之事分隸文思院後苑造作所本監但掌造門戟神  
衣旌節郊廟諸壇祭玉法物鑄脾印諸記百官拜表案褥之事凡  
祭祀則供祭器爵瓚照燭元豐官制行始制少監丞主簿各一人  
監掌百工伎巧之政令少監爲之貳丞參領之凡乘輿服御寶冊  
符印旌節度量權衡之制與夫祭祀朝會展采備物皆率其屬以  
供勇庀其工徒察其程課作止勞逸及寒暑早晚之節視將作匠  
法物勒工名以法式察其良窳凡金玉犀象羽毛齒革膠漆材竹

辨其名物而攷其制度事當損益則審其可否議定以聞少府所  
掌舊有主名其工作之事則監自親之熙寧中已釐歸有司官制  
行皆復舊元豐元年工部言文思院上下界諸作工料條格該說  
不盡功限例各寬勝乞委官檢照前後料例功限編爲定式從之  
又詔文思監官除內侍外令工部少府監同議選差崇寧三年詔  
文思院兩界監官立定文臣一員武臣二員竝朝廷選差其內侍  
幹當官竝罷分案四置吏八所隸官屬五 文思院掌造金銀犀  
玉工巧之物金采繪素裝鈿之飾以供輿輦冊寶法物凡器服之  
用 綾錦院掌織絳錦繡以供乘輿凡服飾之用 染院掌染絲  
桌幣帛 裁造院掌裁製服飾 文繡院掌纂繡以供乘輿服御  
及賓客祭已之用 崇寧三年置招  
繡工三百人 舊置南郊祭器庫監官二人 太廟

祭器法物庫監官二人掌祠祭器服之名物各有專典 旌節官

二人鑄印篆文官二人 諸州鑄錢監監官各一人以上並屬少府監

將狝監 舊制判監事一人以朝官以上充凡土木工匠之政京都繕修隸三司修造案本監但掌祠祀供省牲牌鎮石炷香盥手焚版幣之事元豐官制行始正職掌 置監監各一人丞主簿各二人監掌宮室城郭橋梁舟車營繕之事少監爲之貳丞參領之凡土木工匠版築造作之政令總勇辦其才榦器物之所須乘時儲積以待給用庀其工徒而授以法式寒暑蚤暮均其勞逸作止之節凡營造有計帳則委官覆視定其名數驗實以給之歲以二月治溝渠通壅塞乘輿行幸則預戒有司潔除均布黃道凡出納籍帳歲受而會之上于工部熙寧初以嘉慶院爲監其官屬職事稽用舊典已而盡追復之元祐七年詔頒將作監修成營造法式

八年又詔本監營造檢計畢長貳隨事給限丞簿覆檢元符元年  
三省言將作監主簿二員乞將先到任一員改充幹當公事候成  
資替罷從之崇寧五年詔將作監應承受前後特旨應副外路并  
府監修造差撥人工物料遵執元豐條格不得應副宣和五年詔  
罷營造所歸將作監分案五置吏二十有七所隸官屬十 修內  
司掌宮城太廟繕修之事 東西八作司掌京城內外繕修之事  
竹木務掌修諸路水運材植及抽算諸河商販竹木以給內外  
營造之用 事材場掌計度材物前期樸斲以給內外營造之用  
麥麩場掌受京畿諸縣夏租麩麩以給坊堰之用 審務掌陶  
爲甄瓦以給繕營及餅缶之器 丹粉所掌燒變丹粉以供繪飾  
作坊物料庫第三界掌儲積材物以備給用 退材場掌受京  
城內外退棄材木掄其長短有差其曲直中度者以給營造餘備

薪爨 簾箔場掌抽算竹木蒲葦以供簾箔內外之用 建炎三年詔將作監併歸工部紹興三年復置丞仍兼總少府之事十年置主簿一員十一年詔依司農大府寺置長貳一員隆興初宮室無所營繕職務簡省百工器用屬之文思院以隸工部本監惟置丞一員餘官虛而不除乾道以後人材甚多監少丞簿無闕凡臺省之久次與郡邑之有聲者悉寄徑于此自是號爲儲才之地而營繕之事多俾府尹畿漕分任其責勇

軍器監 國初戎器之職領于三司胄曹案官無專職熙寧六年廢胄案乃案唐令置監以從官總判元豐正名始置監少監各一人丞二人主簿一人監掌監督繕治兵器什物以給軍國之用少監爲之貳丞參領之凡利器以法式授工徒其弓矢干戈甲冑劍戟戰守之具因其能而分任之量用給材旬會其數以考程課而

輸于武庫委遣官詣所隸檢察凡用膠漆筋革材物必以時課百  
工造作勞逸必均歲終閱其良否多寡之數以詔賞罰器成則進  
呈便殿俟閱試而頒其樣式于諸道卽要會州建都作院分造器  
械從本監比較而進退其官吏勇元祐三年省丞一員紹聖中復  
置政和三年應御前軍器監所頒降軍器樣製非長貳當職官不  
得省閱及傳寫漏洩論以違制分案五置吏十有三所隸官屬四  
東西作坊掌造兵器旗幟戎帳什物辨其名色謹其繕作以輸  
于受藏之府兵校工匠其役有程視精麤利鈍以爲之賞罰作  
坊物料庫掌收鐵錫羽箭油漆之屬皮角場掌收皮革筋角以  
供作坊之用南渡置御前軍器所建炎三年詔軍器監併歸工  
部東西作坊都作院併入軍器所紹興三年復置丞一員令工部  
相度合管職事歸之十一年詔復置長貳各一員十四年以朝奉



大夫趙子厚守軍器監宗室爲寺監長貳自此始隆興初詔置造軍器已有軍器所隸工部本監惟置丞一員乾道五年復置少監及簿六年以少監韓玉往建康點檢物馬以奉使軍器少監爲名是年復置監一員淳熙初元詔戎器非進入毋輒出所由是呈驗寢省二年錢良臣以少監總領淮東財賦八年沈揆復以監長行諸監長貳自是始許總餉外帶然二人實初兼版曹職事嘉定十四年岳珂獨以軍器監總餉淮東是後戎所作坊已備官于下者府起部竝提綱于上監居其閒事務稀簡特爲儲才之所勇都水監 舊隸三司河渠案嘉祐三年始專置監以領之判監事一人以員外郎以上充同判監事一人以朝官以上充丞二人主簿一人竝以京朝官充輪遣丞一人出外治河埽之事或一歲再歲而罷其有諳知水政或至三年置局于澶州號曰外監元豐正

名置使者一人丞二人主簿一人使者掌中外川澤河渠津梁隄堰疏鑿浚治之事丞參領之凡治水之法以防止水以溝蕩水以澮寫水以陂池蓄水凡江河淮海所經都邑皆頒其禁令視汴洛水勢漲涸增損而調節之凡河防謹其法禁歲計筭捷之數前期儲積以時頒用各隨其所治地而任其責興役以後月至十月止民功則隨其先後毋過一月若導水溉田及疏治壅積爲民利者定其賞罰凡修隄岸植榆柳則視其勤惰多寡以爲殿最南北外都水丞各一人都提舉官八人監埽官百三十一有五人皆分職洩事卽干機速非外丞所能治則使者行視河渠事元祐八年詔提舉汴河隄岸司隸本監先是導洛入汴專置隄岸司至是亦歸之有司元祐四年復置外都水使者五年詔南北外都水丞竝以三年爲任七年方議回河東流乃詔河北東西漕臣及開封府界提

點各兼南北外部水事紹聖元年罷元符三年詔罷北外部水丞  
以河事委之漕臣三年復置重和元年工部尙書王詔言乞選差  
曾任水官諳練者爲南北兩外丞從之宣和三年詔罷南北外部  
水丞司依元豐法通差文武官一員分案七置吏三十有七所隸  
有街道司掌轄治道路人兵若車駕行幸則前期修治有積水則  
疏導之建炎三年詔都水監置使者一員紹興九年復置南北外  
都水丞各一員南丞于應天府北丞于東京置司十年詔都水事  
歸于工部不復置官

司天監 監 少監 丞 主簿 春官正 夏官正 中官正

秋官正 冬官正 靈臺郎 保章正 挈壺正 各一人掌察

天文祥異鐘鼓漏刻寫造曆書供諸壇祀祭告神名版位晝日監  
及少監闕則置判監事二人以五官正充禮生四人曆生四人掌測驗渾

儀同知算造王式元豐官制行罷司天監立太史局隸祕書省

職官志第一百十九

職官六

各

中

中

各

各

大

各

各

承

各

都

副

都

各

直及步騎諸指揮之名籍凡統制訓練

其政令而有都檢校副都檢校之名在都

大副使

大副使

大副使

宋史一百六十五

終

...

...

...

...

...

...

...

...

...

...

宋史卷一百六十六

職官志第一百十九

職官六

殿前司  
皇城司

侍衛親軍  
容省引進

環衛官  
四方館

東西上閣門  
開封府

帶御器械  
臨安府

內侍省  
河南應天府

承宣觀察防禦等使  
次府  
節度使

殿前司

都指揮使

副都指揮使

都虞候各一人掌殿前諸

班直及步騎諸指揮之名籍凡統制訓練蕃衛戍守遷補賞罰皆

總其政令而有都點檢副都點檢之名在都指揮之上後不復置

入則侍衛殿陛出則扈從乘輿大禮則提點編排整肅禁衛鹵簿

儀仗掌宿衛之事都指揮使以節度使為之而副都指揮使都虞

候以刺史以上充資序淺則主管本司公事馬步軍亦如之備則

通治闕則互攝凡軍事皆行以法而治其獄訟若情不中法則稟

奏聽旨 騎軍有殿前指揮使內殿直散員散指揮散都頭散祇  
候金鎗班東西班散直鈞容直及捧日以下諸軍指揮 步軍有  
御龍直骨朵子直弓箭直弩直及天武以下諸軍指揮 諸班有  
都虞候指揮使都軍使都知副都知押班 御龍諸直有四直都  
虞候本直各有都虞候指揮使副指揮使都頭副都頭十將將虞  
候 騎軍步軍有捧日天武左右四廂都指揮使捧日天武左右  
廂各有都指揮使每軍有都指揮使都虞候每指揮有指揮使副  
指揮使每都有軍使副兵馬使十將將虞候承局押官各以其職  
隸于殿前司元祐七年簽書樞密院王巖叟言祖宗以來三帥不  
會闕兩人若殿帥闕難於從下超補姚麟係殿前都虞候合升作  
步軍副都指揮使紹聖三年詔殿前指揮使金鎗弩手班龍旗直  
所減人額及排定班分竝依元豐詔旨政和四年詔殿前都指揮

使在節度使之上殿前副都指揮使在正任承宣使之上殿前都  
虞候在正任防禦使之上渡江後都指揮閒虛不除則以主管殿  
前司一員任其事其屬有幹辦公事主管禁衛二員準備差遣準  
備差使點檢醫藥飯食各一員書寫機宜文字一員本司掌諸班  
直禁旅扈衛之事捧日天武四廂隸焉訓齊其衆振飭其藝通輪  
內宿併宿衛親兵竝聽節制其下有統制統領將佐等分任其事  
凡諸軍班直功賞轉補行門拍試換官閱實排連以詔于上諸殿  
侍差使年滿出職祇應參班覈其名籍以時教閱則謹鞍馬軍器  
衣甲之出入軍兵有獄訟則以法鞫治初渡江草創三衛之制未  
備稍稍招集填制三帥資淺者各有主管某司公事之稱又別置  
御營司擢王淵爲都統制其後外州駐劄又有御前諸軍都統制  
之名又併入神武軍以舊統制統領改充殿前司統制統領官乾



道中臣僚言三衙軍制名稱不正以舊制論之軍職大者凡八等除都指揮使或不常制外曰殿前副都指揮使馬軍副都指揮使步軍副都指揮使次各有都虞候次有捧日天武四廂都指揮使龍神衛四廂都指揮使秩秩有序若登第然降此而下則分營分廂各置副都指揮使邊境有事命將討捕則旋立總管鈐轄都監之名使各將其所部以出事已復初令以宿衛虎士而與在外諸軍同其名以統制統領爲之長又使遙帶外路總管鈐轄皆非舊典所當法祖宗之舊正三衙之名改諸軍爲諸廂改統制以下爲都虞候指揮使要使宿衛之職預有差等士卒之心明有所係異時拜將必無一軍皆驚之舉時不果行淳熙以後四廂之職多虛而殿司職司有權管幹有時暫照管之號愈非乾道以前之比矣侍衛親軍馬軍 都指揮使 副都指揮使 都虞候各一人掌

馬軍諸指揮之名籍凡統制訓練蕃衛戍守遷補賞罰皆總其政  
令侍衛扈從及大禮宿衛所掌如殿前司官所領馬軍自龍衛而  
下有左右四廂都指揮龍衛左右廂各有都指揮使每軍有都指  
揮使都虞候每指揮有指揮使副使指揮使每都有軍使副兵馬  
使十將將虞候承句押官各以其職隸于馬軍司政和四年詔以  
馬軍都指揮使馬軍副都指揮使在正任觀察使之上馬軍都虞  
候在正任防禦使之上中興復置主管侍衛馬軍司一員其屬有  
幹辦公事準備差遣點檢醫藥飯食各一員掌出戍建康差主管  
機宜文字一員掌馬軍之政令凡出入扈衛守宿以奉上開收閱  
習轉補以勵下如殿前司凡各籍覈其在亾過則以法繩之有巡  
防敕應則糾率差撥龍衛四廂隸焉

侍衛親軍步軍

都指揮使

副都指揮使

都虞候各一人掌

步軍諸指揮之名籍凡統制訓練蕃衛戍守遷補賞罰皆總其政令侍衛扈從及大禮宿衛如殿前司所領步軍自神衛而下左右四廂都指揮使左右廂各有都指揮使每軍有都指揮使都虞候每指揮有指揮使副指揮使每都有都頭副都頭十將將虞候承勾押官各以其職隸于步軍司政和四年詔以步軍都指揮使步軍副都指揮使在正任防禦使之上中興後置主管侍衛步軍司一員其屬有幹辦公事二員準備差遣點檢醫藥飯食各一員掌步軍之政令凡出入扈衛守宿以奉上開收閱習轉補以勵下如殿前司凡名籍校其在亾過則以法繩之有巡防救應則糾率差撥神衛四廂隸焉

環衛官

左右金吾衛上將軍  
大將軍  
將軍  
中郎將  
郎將

左右衛上將軍 大將軍 將軍 中郎將 郎將

左右驍衛上將軍 大將軍 將軍

左右武衛上將軍 大將軍 將軍

左右屯衛上將軍 大將軍 將軍

左右衛官軍衛上將軍 大將軍 將軍

左右監門衛上將軍 大將軍 將軍

左右千牛衛上將軍 大將軍 將軍 中郎將 郎將

諸衛上將軍大將軍將軍竝爲環衛官無定員皆命宗室爲之亦爲武臣之贈典大將軍以下又爲武官責降散官政和中改武臣官制而環衛如故蓋雖有四十八階別無所領故也靖康元年詔以武安軍節度使錢景臻等爲左金吾衛上將軍保信軍節度使劉敷等爲右金吾衛上將軍用御史中丞陳過庭言遵藝祖開寶

初罷王彥超武行德等歸環衛故事也其禁兵分隸殿前及侍衛兩司所稱十二衛將軍皆空官無實中興多不除授隆興中始命學士洪遵等討論典故復置十六衛號環衛官其法節度使則領左右金吾衛上將軍承宣使則領左右衛上將軍在內則兼帶在外則不帶正任爲上將軍遙郡爲大將軍正親兄弟子孫試充又詔祖宗諸后自明肅至欽慈諸后及后妃嬪御之家各具本宗堪充諸衛官以名銜聞又詔三衛郎爲三衛侍郎又詔博士竝差文臣崇寧四年二月置五年正月罷

皇城司

幹當官七人以武功大夫以上及內侍都知押班充掌

宮城出入之禁令凡周廬宿衛之事宮門啟閉之節皆隸焉每門

給銅符二鐵牌一左符雷門右符請鑰鐵牌則請鑰者自隨以時

參驗而啟閉之總親從親事官名籍辨其宿衛之地以均其番直

人物僞冒不應法則譏察以聞凡臣僚朝覲上下馬有定所自宰  
臣親王以下所帶人從有定數揭榜以止其喧闐元豐六年詔幹  
當皇城司除兩省都知押班外取年深者減罷止留十員元祐元  
年詔幹當官閱三年無過者遷秩一等再任滿者減磨勘二年元  
符元年詔應宮城出入請納官物呈稟公事傳送文書并御廚翰  
林儀鸞司非次祇應聽於便門出入卽不由所定門者論如闕入  
律應差辦人物入內及內諸司差人往它所應奉竝前一日具名  
數與經歷諸門報皇城司二年詔皇城司任滿酬獎依熙寧五年  
指揮再任滿無遺闕取旨政和五年詔皇城司可軀置親從弟五  
指揮以七百人爲額親從官舊有四指揮元額共二千二百七十八人仍以五尺九寸一分六釐使  
爲將軍副使爲中郎將使臣以下爲左右郎將通以十員爲額宗  
室不在此例除管軍則解或領閣門皇城之類則仍帶雖戚里子

第非戰功人不除批書印紙屬殿前司是時帝諭宰相以爲如文  
臣館閣儲才之地紹熙初嘗欲畱闕以儲將才循初意也嘉泰中  
復申明隆興之詔屏除貪得矣進以重環尹之官嘉定二年復因  
臣僚言專以曾爲兵將其功績及名將子孫之有才略者充通前  
後觀之可以見環衛儲才之意

三衛官 三衛郎一員秩比大中大夫中郎爲之貳文武各一員

秩比朝議大夫博士二員主簿一員 親衛府郎十員中郎十員

勳衛府郎十員中郎十員 翊衛府郎二十員中郎二十員文

武各四十員三衛郎治其府之事率其屬日直于殿陛長在左立

起居郎之前貳分左右文東武西立都承旨之後仗退治事于府

博士掌教道校試三衛所習文武之藝親衛立于殿上兩旁勳衛

立于朵殿翊衛立于兩階衛士之前三衛郎依給舍中郎依少卿

餘依寺丞親衛官以后妃嬪御之家有服親及翰林學士并管  
軍正任觀察使以上子孫勳衛官以勳臣之世賢德之後有服  
親大中大夫以上及正任團練使遙郡觀察使以上翊衛官以  
卿監正任刺史遙郡團練使以上竝以爲等其將校十將節級等  
應合行事件比第四指揮及見行條貫六年三月應臣僚輒帶舊  
雇人入宮門皇賞竝依宗室法將帶過數止坐本官若兼領外局  
所定人從非隨本官輒入者依闌入法十一月詔嘉王楷差提舉  
皇城司整肅隨駕禁衛所靖康元年詔應入皇城門依法服本色  
輒衣便服及不裹頭帽入出者竝科皇所隸官屬一冰井務掌  
藏冰以薦獻宗廟供奉禁庭及邦國之用若賜子臣下則以法式  
頒之中興初爲行營禁衛所差主管官掌出入皇城宮殿門等敕  
號察其假冒車駕行幸則糾察導從紹興元年改稱行在皇城司



提舉官一員提點官二員幹當官五員以諸司副使內侍都知押班充掌皇城宮殿門給三色牌號稽驗出入凡親從親事官五指揮入內院子守闕入內院子指揮總其名籍均其勞役察其功過而賞罰之凡諸門必謹所守蠲潔齋肅郊祀大禮則差撥隨從守衛有宴設則守門約闌每年春秋案賞親從逐指揮親事官第一指揮長行三色武藝弓弩槍手皇城周回或有墊陷移文修整嘉定閒臣僚言皇城一司總率親從嚴護周廬參錯禁旅權亞殿巖乞專以知閣御帶兼領仍立定親從員額以革泛濫竝從之

客省引進使 客省使副使各二人掌國信使見辭宴賜及四方進奉四夷朝覲貢獻之儀受其幣而賓禮之掌其饗餼飲食還則頒詔書授以賜子宰臣以下節物則視其品秩以爲等若文臣中散大夫武臣橫行刺史以上還闕朝覲掌賜酒饌使闕則引進四

方館以國使副互權大觀元年詔客省四方館不隸臺察政和二年改定武選新階乃詔客省四方館引進司東西上閣門所掌職務格法竝令尙書省具上又詔高麗戶稱國信改隸客省靖康元年詔客省引進司四方館西上閣門爲殿庭應奉與東上閣門一同隸中書省不隸臺察引進司使副各二人掌臣僚蕃國進奉禮物之事班四方館上使闕則客省四方館互兼

四方館使二人掌進章表凡文武官朝見辭謝國忌賜香及諸道元日冬至朔旦慶賀起居章表皆受而進之郊祀大朝會則定外國使命及致仕未升朝官父老陪位之版進士道釋亦如之掌凡護葬賻贈朝拜之事客省四方館建炎初併歸東上閣門皆知閣總之

東西上閣門

東上閣門西上閣門使各三人副使各二人宣贊

舍人十人

舊名通事舍人政和中改

祇候十有二人掌朝會宴幸供奉贊相禮儀

之事使副承旨稟命舍人傳宣贊謁祇候分佐舍人凡文武官自宰臣宗室自親王外國自契丹使以下朝見謝辭皆掌之視其品秩以爲引班敘班之次贊其拜舞之節而糾其違失若慶禮奉表則東上閣門掌之慰禮進名則西上閣門掌之月進班簿歲終一易分東西班揭貼以進自客省而下因事建官皆有定員遂立積考序遷之法聽其領職居外增置看班祇候六人由看班遷至使皆五年使以上七年遇闕乃遷無闕則加遙郡元豐七年詔客省四方館使副領本職外官最高者一員兼領閣門事元祐元年詔客省四方館閣門竝以橫行通領職事紹聖三年詔看班祇候有闕令吏部選定尙書省呈人材中書省取旨差崇寧四年詔閣門依元豐法隸門下省大觀元年詔閣門依殿中省例不隸臺察政

和六年詔宣贊播告直誦其辭靖康元年詔閣門竝立員額

監察御史胡舜

涉奏閣門之職祖宗所重宣贊不過二五人熙寧開通事舍人十三員祇候六人當時議者猶以爲多今舍人一百八員祇候七十六員看班四員內免職者二百三員由宦寺恩幸以求財朱勳父子交買尤多富商豪子往往得之眞宗時諸王夫人因宴節乞補閣門帝曰此職非可以恩澤授不許神宗卽位之初用宮邸直官郭昭選爲閣門祇候司馬光言此祖宗以蓄養賢才在文武爲館職其重如此今豈可賣以求財乞賜裁省故有是詔

舊制有東西止閣門多以處外戚勳貴建炎

初元併省爲一其引進司四方館併歸閣門客省循舊法非橫行

不許知閣門紹興元年帝以朱籛孫藩邸舊人稍習儀注命轉行

橫行一官主管閣門又曰藩邸舊人自內侍及使臣皆不與行在

職任止與外任籛孫以閣門無諳練人故畱之五年詔右武大夫

以上竝稱知閣門事兼客省四方館事官未至者卽稱同知閣門

事同兼客省四方館事以除授爲序稱同知者在知閣門之下宣

贊舍人任傳宣引贊之事與閣門祇候竝爲閣職閒帶點檢閣門

簿書公事紹興中許令供職注授內外合入差遣闕到然後免供

職其後供職舍人員數稍冗裁定以四十員爲額乾道六年上欲清閣門之選除宣贊舍人閣門祇候仍舊通軍贊引之職外置閣門舍十員以待武舉之入官者掌諸殿覺察失儀兼侍立駕出行幸亦如之六參常朝後殿引親王起居徹儒臣館閣之制召試中書省然後命之又詳轉對如職事官供職滿三年與邊郡瀆熙開置看班祇候令忠訓郎以下充秉義郎以上始除閣門祇候又增重薦舉閣門祇候之制必廉幹有方略善弓馬兩任親民無遺闕及曾歷邊任者充紹熙以來立定員額慶元初申嚴閣門長官選擇其屬之令非右科前名之士不預召試蓋以爲右列清選云帶御器械 宋初選三班以上武幹親信者佩褱鞬御劔或以內臣爲之止名御帶咸平元年改爲帶御器械景祐二年詔自今無得過六人慶曆元年詔遇闕員曾歷邊任有功者補之中興初諸

將在外多帶職蓋假禁近之名爲軍旅之重紹興七年樞密院言帶御器械官常帶插帝曰此官本以衛不虞今乃佩數符骸箭不知何用方承平時至飾以珠玉車駕每出爲觀美而已它日恢復此等事當盡去之二十九年詔中外舉薦武臣無闕可處增置帶御器械四員然近侍亦或得之乾道以來詔立班樞密院檢詳文字之上淳熙閒凡正除軍中差遣或外任者不許銜內帶行又須供職一年方與解帶恩例於是屬鞬之職益加重焉

入內內侍省

內侍省

宋初有內中高品班院淳化五年改入

內內班院又改入內黃門班院又改內侍省入內內侍班院景德

三年詔東門取索司可併隸內東門司餘入內都知司內東門都

知司內侍省入內內侍班院可立爲入內內侍省以諸司隸之宋

初有內班院淳化五年改爲黃門九月又改內侍省入內內侍省

與內侍省號爲前後省而入內省尤爲親近通侍禁中役服褻近者隸入內侍省拱侍殿中備洒掃之職役使襍品者隸內侍省入內侍省有都都知副都知押班內東頭供奉官內西頭供奉官內侍殿頭內侍高品內侍高班內侍黃門內侍省有左班都知副都知右班都知副都知押班內東頭供奉官內西頭供奉官內侍殿頭內侍高品內侍高班內侍黃門自供奉官至黃門以二百八十人爲定員凡內侍初補曰小黃門經恩遷補則爲內侍黃門後省官闕則以前省官補押班次遷副都知次遷都都知遂爲內臣之極品熙寧中入內侍省內侍省都知押班遂省各以轉入先後相壓永爲定式其官稱則有內客省使延福宮使宣政使宣慶使昭宣使元豐議改官制張誠一欲易都知押班之名置殿中監以易內侍省旣而宰執進呈神宗曰祖宗爲此名有深意

豈可輕議政和二年始遂改焉以通侍大夫易內客省使正侍大夫易延福宮使中侍大夫易景福殿使中亮大夫易宣慶使中衛大夫易宣政使拱衛大夫易昭宣使供奉官易內東頭供奉官左侍禁易內西頭供奉官右侍禁易內侍殿頭左班殿直易內侍高品右班殿直易內侍高班而黃門之名如故其屬有御藥院句當官四人以入內內侍省充掌案驗方書修合藥劑以待進御及供奉禁中之用內東門司句當官四人以入內內侍省充掌宮禁人物出入周知其名數而譏察之 合同憑由司監官二人掌禁中宣索之物給其要驗凡特旨賜予皆具名數憑由付有司準給管句往來國信所管句官二人以都知押班充掌契丹使介交聘之事 後苑句當官無定員以內侍充掌苑囿池沼臺殿種蔬菓飾以備游幸 造作所掌造作禁中及皇屬婚娶之名物 龍圖



天章寶文閣句當四人以入內內侍充掌藏祖宗文章圖籍及符  
瑞寶玩之物而安像設以崇奉之 軍頭引見司句當官五人以  
內侍省都知押班及閤門宣贊舍人以上充掌供奉便殿禁衛諸  
軍入見之事及馬步兩直軍員之名 翰林院句當官一員以內  
侍押班都知充總天文書藝圖畫醫官四局凡執伎以事上者皆  
在焉中興以來深懲內侍用事之弊嚴前後省使臣與兵將官往  
來之禁著內侍官不許出謁及接見賓客之令紹興三十年詔內  
侍省所掌職務不多徒有冗費可廢併歸入內內侍省舊制內侍  
遇聖節許進子年十二試以墨義卽中程者候三年引見供職三  
十二年殿中侍御史張震言宦者員衆孝宗卽命內侍省具見在  
人數免會慶節進子仍定以二百人爲額乾道閒以差赴德壽宮  
應奉闕人增置二百五十人紹熙三年依宰臣奏中官只令承受

宮禁中事不許預聞它事嘉定初詔內侍省陳乞恩例親屬充寄班祇候以十年爲限

開封府牧尹不常置權知府一人以待制以上充掌尹正畿甸之事以教法導民而勸課之中都之獄訟皆受而聽焉小事則專決大事則稟奏若承旨已斷者刑部御史臺無輒糾察屏除寇盜有姦伏則戒所隸官捕治凡戶口賦役道釋之占京邑者頒其禁令會其帳籍大禮橋道頓遞則爲之使仗內奉引則差官攝牧其屬有判官推官四人日視推鞠分事以治而佐其長領南司者一人督察使院非刑獄訟訴則主行之司錄參軍一人折戶婚之訟而通書六曹之案牒功曹會曹戶曹兵曹法曹土曹參軍各一人視其官曹分職泣事左右軍巡使判官各二人分掌京城爭鬪及推鞠之事左右廂公事幹當官四人掌檢覆推問凡鬪訟事輕

者聽論決領縣十有八鎮二十有四令佐訓練征權監臨巡警之  
官知府事者率統隸勇分案六置吏六百開封典司轂下自建隆  
以來爲要劇之任至熙寧開增給吏祿禁其受賕省衙前役以寬  
民力釐折獄訟歸於廂官而治事視前日損去十四元祐元年詔  
府界捕盜官吏隸本府與都大提舉司同管轄而掌其賞罰置新  
城內左右二廂三年以罷大理寺獄置軍巡院判官一員四年罷  
新置二廂六年王巖叟言左右廳推官公事詞狀初無通治明文  
請事繫朝省及奏請通治外餘竝據號分治從之紹聖六年知府  
事錢勰言自祖宗以來竝分左右廳置推官各一員近年止除推  
官元祐中竝令分治請依故事分左右廳各除推官一員作兩廳  
其治職事又言熙寧中置舊城左右廂元豐初增置于新城內四  
年罷增置兩廂令請復置從之三年詔開封祥符知縣事自今選

秩通判入充四年詔開封府所薦推判官竝召對取旨崇寧三年  
蔡京奏乞罷權知府置牧一員尹一員專總府事少尹二員分左  
右二府之政事牧以皇子領之尹以文臣充在六曹尙書之下侍  
郎之上少尹在左右司郎官之下列曹郎官之上以士戶儀兵刑  
工爲六曹次序司錄二員六曹各二員參軍事八員開封祥符兩  
縣置案倣此易胥吏之稱略依唐六典制度又請移開封府治所  
於舊尙書省從之

太宗眞宗嘗任府尹自至道後知府者必帶權字蔡京乃以潛  
邸之號處臣下建置舊官以上凡十六員比舊增要官十二員

五年詔開封府屬官參軍等竝依舊員額大觀元年李孝壽乞增置府  
學博士一員從之詔開封六職閑劇不同如士曹之官唯主到罷  
批書而刑戶事繁自今凡士之婚田鬪訟皆在士曹餘曹倣此二  
年詔皇子領牧祿令如執政官又詔天下州郡竝依開封府分曹  
置掾政和二年復置開封府學錢糧官一員五年盛章奏乞依尙

書六部置架閣主管官一員宣和元年聶山奏司祿六曹官乞依省部少監封敘詔修入條令

臨安府 舊爲杭州領浙西兵馬鈐轄建炎三年詔改爲臨安府其守臣令帶浙西同安撫使時置帥在鎮江府紹興駐蹕臨安遂正稱安撫使置知府一員通判二員簽書節度判官廳公事節度推官觀察推官觀察判官錄事參軍左司理參軍右司理參軍司戶參軍司法參軍各一員本府掌畿甸之事籍其戶日均其賦役頒其禁令城外內分南北左右廂各置廂官以聽民之訟訴廂官許言罷城內兩廂官惟城外置焉分使臣十員以緝捕在城盜賊立五酒務置

朝官親民資序入充後以臣僚

言罷城內兩廂官惟城外置焉

監官以裕財分六都監界分差兵一百四十八鋪以巡防煙火置兩總轄承受御前朝旨文字凡銜寶御批寶封有所收索則供進凡省臺寺監監司符牒及管下諸縣及倉場等申到公事則受而

理之凡大禮及國信隨事應辦祠祭其其禮料會聚陳其幄帟人使往來辦其舟楫皆先期飭于有司領縣九分土戶儀兵刑工六案內戶案分上中下案外有免役案常平案上下開折司財賦司大禮局國信司排辦司修造司各治其事置吏點檢文字都孔目官副孔目官節度孔目官觀察孔目官各一名磨勘司主押官正開拆官副開拆官各一人下名開拆官二名押司官八人前後行守分二十一人貼司三十人乾道七年皇太子領尹事廢臨安府通判僉判職官置少尹一員日受民詞以白太子閒日率僚屬詣宮稟事置判官二員推官三員有旨少尹比放知府判官比通判推官比幕職官其統臨職分並照從來條例九年皇太子解尹事臨安府知通僉判推判官並依舊置既據係義郎趙禮之狀臨安府依條合置兵馬監押一員經任監當四員初任監當闕一員昨

皇太子領府尹更不差注今既辭免乞將宗室添差員闕依舊從之  
淳熙三年詔罷備攝官惟緝捕使臣十二員聽候差使六員許  
令辟置嘉泰四年詔臨安府添差不釐務總管路鈐二十員州鈐  
轄路分都監副都監二十員正副將十五員安撫司準備將領十  
五員州都監以下十員共以八十員爲額尋減總管路鈐五員開  
禧三年復省罷總管路分共六員

河南應天府

牧

尹

少尹

司錄

戶曹

法曹

士曹

尹以下掌同開封府尹闕則置知府事一人

以郎中以上充二品以上日判府次府及節度州準此

通判一人

以朝官充判官推官各一人

或以京朝官簽書

使院牙職左右軍巡悉

同開封而主典以下差減其數戶曹通掌府院戶籍考課稅賦法

曹專掌讞議士曹或陰敘起家不常置

諸州府同至道初罷司理院州置司士取官吏強慢者爲給簿尉奉

致有特恩而受者不釐務

次府 牧尹 少尹 司錄 戶曹 法曹 士曹 司理

又學 助教 牧尹以下所掌竝同開封大中祥符八年以楚王爲興元牧其後又爲京兆江陵牧自餘無爲者

尹闕則知府事一人以朝官及刺史以上或諸司使充 通判一人以京朝官充乾德初諸州置通判統沿軍州之政事得專違與

長史均禮大藩或置兩員戶少事簡有不置者正刺史以上州知州雖小處亦特置 使院牙職事竝同前

節度使 宋初無所掌其事務悉歸本州知州通判兼總之亦無

定員恩數與執政同初除鎖院降麻其禮尤異以待宗室近屬外

戚國壻年勞久次者若外任除殿帥始授此官亦止於一員或有

功勳顯著任帥守於外及前宰執拜者尤不輕授又遵唐制以節

度使兼中書令或侍中或中書門下平章事皆謂之使相以待勳

賢故老及宰相久次罷政者隨其舊職或檢校官加節度使出判

大藩通謂之使相元豐以新制始改爲開府儀同三司舊制敕出

中書門下故事之大者使相繫銜至是皆南省奉行而開府不預



八年鎮江軍節度使檢校太傅韓絳爲開府儀同三司判大名府

元祐五年太師平章軍國重事文彥博爲開府儀同三司守太師

充護國軍山南西道節度使致仕自崇寧五年司空左僕射蔡京

爲開府儀同三司安遠軍節度使中太一宮使其後故相而除則

有劉正夫余深前執政則有蔡攸梁子美外戚則有向宗回宗良

鄭紳錢景臻殿帥則有高俅內侍則有童貫梁師成宣和末節度

使五六十人議者以爲濫親王皇子二十六人宗室十一人前執政三人中興諸

州升改節政鎮凡十有二是時諸將勳名有兼兩鎮三鎮者實爲

希闊之典宋朝元臣拜兩鎮節度使者才三人韓琦文彥博中興後呂頤浩是也三公卒解

世忠鎮南武安靈國張俊靜江其後相承宰執從官及后妃之族拜者不一

然自建炎至嘉泰宰相特拜者六人呂頤浩張俊虞允文皆以勳執政一

人葉石永從官二人而已張端明澄惟紹興中曹勳韓公齋乾道中曾

夢得

揚敷學俊

觀嘉泰中姜特立譙令雍皆以攀附恩澤亦累官至勇非常制也  
承宣使 無定員舊名節度觀察畱後政和七年詔觀察畱後乃  
五季藩鎮官以所親信畱充後務之稱不可循用可觀以軍名改  
爲承宣使唐有畱後五代因之宋初畱後觀察皆不得本州刺史  
大中祥符七年令有司檢討故事始復帶之

觀察使 無定員初沿唐制置諸州觀察使凡諸衛將軍及使遙  
領者資品竝止本官敘政和中詔承宣觀察使仍不帶持節等

防禦使 團練使 諸州刺史 無定員靖康元年臣僚言遙郡

正任恩數遼絕自遙郡遷正任者合次第轉行今自遙郡與落階  
官而授正任直超轉本等正官是皆姦巧希進躡取乞應遙郡承  
宣使有功勞除正任者止除正任刺史從之凡未落階官者爲遙  
郡除落階官者爲正任朝謁御宴惟正任預焉遙郡竝止本官敘

正任復次第轉行者之舊制梯級有差中興以後節度移鎮寔少  
後有一定不易徑遷太尉承宣觀察徑作一官及遙郡落階官久  
就除正任紹興末臣僚以爲言雖復置檢校官餘未盡改

正任復次第轉行者之舊制梯級有差中興以後節度移鎮寔少  
後有一定不易徑遷太尉承宣觀察徑作一官及遙郡落階官久  
就除正任紹興末臣僚以爲言雖復置檢校官餘未盡改

正任復次第轉行者之舊制梯級有差中興以後節度移鎮寔少  
後有一定不易徑遷太尉承宣觀察徑作一官及遙郡落階官久  
就除正任紹興末臣僚以爲言雖復置檢校官餘未盡改

職官志第一百二十

職官七

大都督府 制置使 宣諭使 宣撫使  
總領使 雷守 經略安撫使 招討使

發運使 都轉運使 撫諭使 鎮撫使  
招撫使 提舉常平茶馬市舶等職

提點刑獄 提舉學士 提舉河北榷紀司  
提舉開封府界公事 經制邊防財用

提舉解鹽 係甲三白渠弓箭手等職  
幕職諸曹等官

府州軍監 諸軍通判 鎮若官 廟令丞簿  
諸縣令丞簿尉 路分都監 諸軍都統制

總管鈐轄 監當官  
巡檢司

大都督府 都督府 長史 左右司馬 錄事參軍 司戶司

法 司士 司理 文學參軍 助教 大都督及長史掌司牧

尹 親王為節度則大都督領之庶姓為節度則長史領之端拱初越王為威武軍節度福州大都督府長史潘化五年吳王為淮南節度揚州大都督府長史翰林學士張洎草制再表援引典故宰相言越王已為長史上曰業已差誤異日有除并改正之至道後因移鎮遂為大都督 闕則置知府事一人 同次 通判一

人京朝充司馬不釐務舊制凡都督州建官如上南渡後以見任宰

相充都督次有同都督有督視軍馬多執政爲之雖名稱略同然

掌總諸路軍馬督護諸將非舊制比也初紹興二年呂頤浩首以

左僕射出都督江淮兩浙荆湖諸軍事置司鎮江其後趙鼎張浚

湯思退皆以宰相兼之頤浩還朝孟庾始以參知政事爲權同都

督代後落權字趙鼎先以知樞密院事爲都督川陝荆襄諸軍事

其後與浚竝相竝帶兼都督諸路軍馬入銜未幾浚獨被旨江上

視師置都督行府行移文字竝依三省體式其召赴行在以其事

分隸三省樞密院思退初以左相出都督時楊存中卽以太傅寧

遠軍節度使同都督思退不行就以楊存中充都督非宰執而爲

都督自存中始三十一年葉義問以知樞密院事督視江淮荆襄

軍馬明年汪澈以參知政事湖北京西路都督視軍馬執政爲督

視於是見勇王之望辭同都督有曰朝廷於兩淮前以二大將爲  
招撫使後以二從臣爲宣諭使憂其不相統攝則以宰相爲都督  
欲事權歸一也此可以見朝廷開府之意凡簽廳文字竝依尙書  
左右司樞密院檢詳房體式設屬諮議軍事參謀參議竝依從官  
充書寫機宜文字幹辦官準備差遣前後員數不一開禧用兵或  
以簽樞督視或以元樞代之或以參知政事督視四川軍馬然皆  
未有底績而罷

制置使不常置掌經畫邊鄙軍旅之事政和中熙秦用兵以內侍  
童貫爲之仍兼經略使靖康初會諸路兵解太原之圍姚古解潛  
相繼爲河東河北制置使皆無功而罷中興以後置使掌本路諸  
州軍馬屯防扞禦多以安撫大使兼之亦以統兵馬官充地重秩  
高者加制置大使位宣撫副使上

紹興元年趙鼎始爲江西制置大使其後席益帥  
潭李綱帥江西呂頤浩帥湖廣領制置大使開禧

邱希何或置副使以貳之

呂頤浩充江浙制置使陳彥文程千秋副使胡舜陟除沿江都制

置使王義叔副使趙鼎爲江西制置大使岳飛爲制置使每事會議或急速則施行許報大使照應

初建炎元年詔令安撫使發運監司州軍官竝聽制置

司節制其後議者以守臣旣帶安撫又兼制置及許便宜權之要重議於朝廷於是詔止許便宜制置軍事其它刑獄財賦付提刑轉運後又詔諸路帥臣竝罷制置使之名惟統兵官如故隆興以後或置或省開禧閒江淮四川竝置大使休兵後獨成都守臣帶四川安撫制置使掌節制御前軍馬官員升改放散類省試舉人銓量郡守舉辟邊州守貳其權略視宣撫司惟財計茶馬不預又有沿海制置使以明州守臣領之然其職止肅清海道節制水軍非四川比大使置屬參謀參議主管機宜書寫文字各一員幹辦公事三員準備將領差遣差使各五員餘隨時勢輕重而增損焉宣諭使掌宣諭德意不預它事歸卽結罷紹興元年詔祕書少監

傅崧年充淮南東路宣諭使此其始也二年分遣御史五人宣諭  
東南諸路戒其興獄責其不當督捕盜賊皆欲專一布惠以爲民  
其後右司范直方宣諭川陝察院方庭實宣諭三京均此意及新  
復陝西樓炤以簽書樞密院事往永興宣諭就令招撫盜賊鄭剛  
中爲川陝宣諭使許按察官吏汪澈爲湖北京西宣諭使仍節制  
兩路軍馬自是使權益重而使事始不專三十二年虞允文王之  
望相繼充川陝宣諭使皆預軍政其權任殆亞於宣撫其後錢端  
禮吳芾皆以侍從出膺斯寄事畢結局官屬軍兵視其所任事之  
輕重爲賞之厚薄焉開熙閒薛叔似鄧友龍吳獵皆因饑荒盜賊  
及平逆亂後往敷德意亦竝以從官行

宣撫使不常置掌宣布威靈撫綏邊境及統護將帥督視軍旅之  
事以二府大臣充治平末命同簽書樞密院郭達宣撫陝西三年



夏兵犯順以參知政事韓絳爲陝西宣撫使繼卽軍中拜相仍舊  
領使政和中遣內侍童貫爲陝西河東宣撫使又兼河北宣和三  
年睦寇方臘作亂移貫宣撫淮浙賊平依舊靖康初种師道提兵  
入衛京城爲京畿河東北宣撫使凡勤王之師屬焉及會諸道兵  
救太原又以知樞密院李綱宣撫河東北兩路中興初張浚以知  
樞密院事孟庾以參知政事李綱以前宰相皆出宣撫浚又加處  
置二字入銜時爲川陝京  
西湖北路紹興元年詔以淮南守臣多闕百姓未能

復業分命呂頤浩朱勝

非劉光世皆以安撫大使兼宣撫使武臣

非執政而爲宣撫使實目光世始二年李光又以吏部尙書加端

明殿學士爲壽春等州宣撫使自是韓世忠張浚吳玠岳飛吳玠

皆以武臣充使王似亦以從官由副使而升正使焉三十二年張

浚復以少傅依前觀文殿大學士充江淮東西路宣撫使乾道三

年虞允文依舊知樞密院事充四川宣撫使五年王炎除四川宣撫使依舊參知政事開禧閒以從官出宣撫江淮湖北京西等處不一其屬有參謀官係知州資序人與提刑敘官參議官係知州資序人與轉運判官敘官機宜幹辦公事竝依發運司主管文字敘官凡宰執帶三省樞密院事出使行移文字劄六部六部行移卽具申狀如從官任使副合申六部六部行移卽用公牒

宣撫副使不常置掌二使事宜和末王師伐燕命少保蔡攸充靖康初會兵救太原又以資政殿學士劉韜爲之建炎三年周望宣撫兩浙以太尉郭仲荀副之其後福建韓世忠川陝吳玠皆有此授紹興閒張浚宣撫川陝將召歸命從臣王似盧法原爲之副王似除使盧法原仍副之亦有不置使而置副如胡世將之於川陝岳飛之於荆襄楊沂中之於淮北皆止以副使爲名飛後以功始

落副字亦有身為正使兼領副使如開禧三年安丙充利州西路宣撫使兼四川宣撫副使

宣撫判官不常置掌贊使務熙寧中命直舍人呂大防爲之實上幕也紹興中張浚初以便宜命劉子羽爲副其後張宗元呂祉亦爲之十年楊沂中以太尉爲淮北宣撫副使劉錡以節度使爲判官禮抗權灼猶轉運使副判官之比詔行移文字同其繫銜宣判之名同而先後輕重異焉

總領四人掌措置移運應辦諸軍錢糧以朝臣充仍帶幹階戶部等官朝廷科撥州軍上供錢米則以時拘催歲較諸州所納之盈虧以聞于上而賞罰之初建炎開張浚出使川陝用趙開總領四川財賦置所繫銜總領名官自此始其後大軍在江上開遣版曹或太府司農卿少卿調何日糧皆以總領爲名紹興十一年收諸

帥之兵故爲御前軍分屯諸處乃置三總領以朝臣爲之仍帶專一報發御前軍馬文字蓋又使之預聞軍政不獨職餉餽而已其

序位在轉運副使之上鎮江諸軍錢糧淮東總領掌之鄂州荆南

江州諸軍錢糧湖廣總領掌之建康池州諸軍錢糧淮西總領掌

之十五年復置四川總領凡興元興州金州諸軍錢糧四川總領

掌之其官屬有幹辦公事準備差使四川又有主管文字二員淮東西有分差糧

料院審計司審計以通判權權貨務都茶場御前封椿甲仗庫大軍倉大軍

庫贍軍酒庫市易抵當庫惠民藥局湖廣有給納場屬官分差糧

料院審計院通判御前封椿甲仗庫大軍倉庫贍軍酒庫四川有

分差糧料院審計院屬官大軍倉庫撥發船運官贖藥庫糴買場

淳熙元年詔委諸路州軍通判專一主管拘催逐州錢米起發赴

所本所每半年比較以行賞罰紹熙二年以淮西總領所言定知

州通判展減磨勘法十分欠二展二年數足減二年吏額淮東九人淮西湖廣十人四川二十人

畱守 副畱守 舊制天子巡守親征則命親王或大臣總畱守

事建隆元年親征澤潞以樞密使吳廷祚爲東京畱守其西南北

京畱守各一人以知府兼之西京河南南京應天北京大名畱守管掌宮鑰及京城守

衛修葺彈壓之事畿內錢穀兵民之政皆屬焉政和三年資政殿

大學士鄧洵武言河南應天大名府號陪京乞依開封制正尹少

之名從之宣和三年詔河南大名少尹依熙寧舊制分左右廳治

事應天少尹一員及三京司錄通管府事南渡初其東京北京並

置畱守以開封大名知府兼又以掌兵官爲副畱守其後河南復

南京西京置畱守紹興四年帝將親征以參知政事孟庾爲行官

畱守奏差主管書寫機宜文字官一員幹辦官二員準備差遣差

使各三員使臣五十員又置留司臺官一員五年罷局其後秦檜爲行宮留守援例置官

經略安撫司經略安撫使一人以直祕閣以上充掌一路兵民之事皆帥其屬而聽其獄訟頒其禁令定其賞罰稽其錢穀甲械出納之名籍而行以法若事難專決則具可否具奏卽干機速邊防及士卒抵壘者聽以便宜裁斷帥臣任河東陝西嶺南路職在綏御戎夷則爲經略安撫使兼都總管以統制軍旅有屬官典領要密文書奏達機事河北及近地則使事止於安撫而已其屬有幹當公事主管機宜文字準備將領準備差使元祐元年詔陝西河東經略安撫都總管司自元豐四年後應緣軍興添置官屬竝罷又詔罷經略安撫司幹當官二年詔沿邊臣僚奏請事竝先赴經略司詳度以聞元符元年詔經略司遇軍興差發軍馬具數關報

走馬承受崇寧二年熙河蘭會經略王厚奏谿哥城乃古積石軍  
今當爲州乞以李忠爲守置河南安撫司從之四年置河東陝西  
諸路招納司竝隸經略司五年詔河東同管幹沿邊安撫司公事  
許歲赴闕奏事一次政和四年詔移京西路安撫於河南府京東  
路安撫於應天府宣和二年詔瀘州守臣帶潼川府夔州路兵爲  
都鈐轄瀘南沿邊路兵馬都鈐轄瀘南沿邊安撫使又詔罷置輔  
郡內潁昌府帶京西路安撫使三年詔杭越州江寧府洪州守臣  
竝帶安撫使六年詔瀘州止帶主管瀘南沿邊安撫司公事仍差  
守臣七年詔河陽開德守臣竝帶管內安撫使舊制安撫總一路  
兵政以知州兼充太中大夫以上或曾歷侍從乃得之品卑者止  
稱主管某路安撫司公事中興以後職名稍高者出守皆可兼使  
如係二品以上卽稱安撫大使廣東西荆南襄陽仍舊制加經略

二字凡帥府皆帶馬步軍都總管建炎初李綱請於沿河沿淮沿江置帥府以文臣爲安撫使帶馬步軍都總管武臣一員爲之副許便宜行事辟置僚屬將佐措置調發惟轉輸屬之漕使其後沿江三大使司辟置過多邊報稍寔詔加裁定參謀參議官主管機宜文字主管書寫機宜文字各一員幹辦公事二員文臣準備差遣武臣準備差使準備將領各以五員爲額其餘諸路或隨地輕重而損益焉餘從省罷後以諸路申請或置或省不一漏熙二年詔揚州廬州荆南襄陽金州興元興州分爲七路每路委文臣一員充安撫使以治民武臣一人充都總管以治兵其逐路都總管職事且令帥臣依舊帶行候正官到日交割慶元二年詔利州西路安撫司於興州置司令都統制兼五年臣僚言遴選帥才除嘗任執政外兩制從官必曾經作郡庶官必曾任憲漕實有治績者



從之惟廣南東西兩路則帶經略安撫使紹興五年令襄陽守臣  
湖北帥司各帶經略安撫使後罷惟二廣如故

走馬承受諸路各一員隸經略安撫總管司無事歲一入奏有邊  
警則不時馳驛上聞然居是職者惡有所隸乃潛去總管司字冀  
以擅權熙寧五年帝命正其名鑄銅記給之仍收還所用奉使印  
崇寧中始詔不隸帥司而輒預邊事則論以違制大觀中詔許風  
聞言事政和五年詔諸路走馬承受體均使華邇來皆貪賄賂類  
不舉職是豈設官之意其各自勵以稱任使或蹈前失罰不汝赦  
明年七月改爲廉訪使者宣和五年詔近者諸路廉訪官循習違  
越附下罔上凡邊機皆先申後奏且侵監司凌州縣而預軍旅刑  
獄之事復彊買民物不償其直招權怙勢至與監司表裏爲惡自  
今猶爾必加貶竄靖康初罷之依祖宗舊制復爲走馬承受

發運使副判官掌經度山澤財貨之源漕淮浙江湖六路儲廩以  
輸中都而兼制茶鹽泉寶之政及專舉刺官吏之事熙寧初輔臣  
陳升之王安石領制置三司條例建言發運使實總六路之出入  
宜假以錢貨繼其用之不給使周知六路之有無而移用之凡上  
供之物皆得徙貴就賤用近易遠令預知在京倉庫之數所當辦  
者得以便宜蓄買以待上令稍收輕重斂散之權歸於公上則國  
用可足民財不匱矣從之既又詔六路轉運使弗協力者宜改擇  
且許發運使辟向自辟其屬又令舉真楚泗守臣及兼提舉九路  
院治市舶之事元祐中詔發運使兼制置茶事至崇寧三年始別  
差官提舉茶鹽政和二年罷轉般倉六路上供米徑從本路直達  
中都以發運司所拘綱船均給六路宣和初詔發運司視六路豐  
歉和糴上供乃祖宗舊制曩緣姦吏侵用糴本遂壞良法自今每

歲加糴一百萬石同年額輸京三年方臘初平江浙諸郡皆未有  
常賦乃詔陳亨伯以大漕之職經制七路財賦許得移用監司聽  
其案察於是亨伯收民間印契及鬻糟醋之類爲錢凡七色是後  
州縣有所謂經制錢自亨伯始六年詔復轉般倉命發運判官盧  
宗原措置尋以靖康之難迄不能復渡江後惟領給降糴本收糴  
米斛廣行儲積以備國用紹興二年用臣僚言省罷以其職事分  
委漕臣八年戶部復言廣糴儲積之便再置經制發運使併理經制  
司財賦故  
名以徽猷閣待制程邁充使專掌糴事邁上疏以租庸常平鹽鐵  
鼓鑄各分于諸司而總於戶部發運使無所用之固辭不行九年  
遂廢發運司以戶部侍郎梁汝嘉爲經制使檢察中外失陷錢物  
與催未到綱運措置糴買總領常平爲職未幾復以臣僚言分其  
費於逐路監司乾道六年復置以戶部侍郎史正志爲兩浙京湖

淮廣福建等路都大發運使是冬以奏課誕謾貶併廢其職

都轉運使 轉運使 副使 判官 掌經度一路財賦而察其

登耗有以足上供及郡縣之費 歲行所部檢察儲積稽考帳籍

凡吏蠹民瘼悉條以上達及專舉刺官吏之事熙寧初詔河東河

北陝西三路漕臣許乘傳赴闕畱毋過浹日既又詔三路漕臣令

自辟屬各二員以京朝官曾歷知縣者爲之二年詔川陝閩廣七

路除堂選守臣外委轉運司依四選例立格就注免赴選具爲令

元豐初詔河北淮南京東京西及陝戶雖各析爲兩路許依未析

時通治兩路之事錢穀聽其移用元祐初司馬光請漕臣除三路

外餘路毋得過二員其屬官溢員亦省之紹聖中詔淮浙江湖六

路上供米計其遠近分三限自季冬至明年八月以次輸足大觀

中陝西漕臣以四員爲額政和中又詔陝西以三員熙寧兩路各

二員宣和初又詔陝西以都漕兩員總治于長安而漕臣三員分領六路中興後置官掌一路財賦之入案歲額錢物斛斗之多寡而察其稽違督其欠負以供于上閒詣所部則財用之豐欠民情之休戚官吏之勤惰皆訪問而奏陳之有軍旅之事則供餽錢糧或令本官隨軍移運或別置隨軍轉運使一員或諸路事體當合一則置都轉運使以總之

江蘇西路分置三帥置都轉運使一員張公濟為江浙荆湖廣南福建都運趙開為四川都運

都運廢置不常而正使不廢若副使若判官皆隨資之淺深稱焉其屬有主管文字幹辦官各一員文臣準備差遣武臣準備差使員多寡不一

招討使掌收招討殺盜賊之事不常置建炎四年以檢校少保定江招慶軍節度使張俊充江南路招討使定位在宣撫使之下制置使之上著為定制軍中急速事宜待報不及許以便宣行事差

隨軍轉運使一員參議官一員幹辦官三員隨軍幹辦官四員書  
寫機宜文字一員竝聽奏辟紹興五年岳飛爲湖北襄陽招討使  
請州縣不法害民者許一而對移或放罷以聞從之十年金人犯  
三京以韓世忠岳飛張俊竝兼河南北招討使以禦之三十二年  
陝西河東北京東西等路皆置招討使蓋又特遙領其地而已  
招撫使不常置建炎初李綱秉政以張所爲河北招撫使未及出  
師而廢紹興十年劉光世爲三京招撫使踰年而罷三十二年孝  
宗卽位以成閔張子蓋李顯忠三大將爲湖北京西淮東西招撫  
使子蓋歿劉寶代之未幾結局官吏竝罷開禧二年山東及京東  
西北路竝置使招撫後皆罷之

撫諭使掌慰安存問采民之利病條奏而罷行之亦不常置建炎  
元年帝謂輔臣曰京城士庶自金人退師人情未安可差官撫諭

於是以路允迪耿延禧爲京城撫諭使此置使初意也是年八月  
又令學士院降詔且命江端友等奉詔撫諭諸路其後李正民以  
中書舍人爲江浙湖南撫諭使且令案察官吏伸民冤抑傅崧卿  
以吏部侍郎爲淮東撫諭使采訪民間利病及措置營田等事或  
不以使名則稱撫諭官所至以某州撫諭司爲名具宣恩言俾民  
知德意初無二致乾道元年知閩門事龍大淵差充兩淮撫諭軍  
馬回日結局是又特爲軍馬出云以  
鎮撫使舊所無有中興假權宜以收羣盜初建炎四年范宗尹爲  
參知政事議羣盜併力以拒官軍莫若析地以處之盜有所歸則  
可漸制乃請稍復藩鎮之制是年五月宗尹爲右僕射於是請以  
淮南京東西湖南北諸路竝分爲鎮除茶鹽之利仍歸朝廷置官  
提舉外它監司竝罷上供財賦權免三年餘聽帥臣移用更不從

朝廷應副軍興聽從便宜時劇盜李成在舒蘄桑仲在襄鄧郭仲  
威在揚州訐慶在高郵皆卽以爲鎮撫使其餘或以處歸朝之人  
分畫不一許以能扞禦外寇顯立大功特與世襲官屬有參議官  
書寫機宜文字各一員幹辦公事二員竝聽奏辟久之諸鎮或戰  
歿或北降但餘荆南解潛及趙鼎爲相召潛主管馬軍遂罷弗置  
焉

提點刑獄公事掌察所部之獄訟而平其曲直所至審問囚徒詳  
覆案牘凡禁繫淹延而不決盜竊逋竄而不獲皆劾以聞及舉刺  
官吏之事舊制參用武臣熙寧初神宗以武臣不足以察所部人  
材罷之六年置諸路提刑司檢法官紹聖初以提刑兼院治事宣  
和初詔江西廣東增置武提刑一員然遇闕帥不許武憲兼攝中  
興以盜賊未衰諸路無武臣提刑處權添置一員建炎四年罷紹



興初兩浙路以疆封闊遠差提刑二員淮南東路罷提刑令提舉  
茶鹽官兼領蓋因事之煩簡而損益焉乾道六年詔諸路分置武  
臣提刑一員須選差公廉曉習法令民事之人如無聽闕其後稍  
橫遂不復除八年用臣僚言諸路經總制錢併委提點刑獄官督  
責嘉定十五年臣僚言廣西所部州軍最多提刑合照元降指揮  
分上下半年就鬱林州與靜江府兩處置司無使僻地貧民有冤  
莫吐從之其屬有檢法官幹辦官

提舉常平司掌常平義倉免役市易坊場河渡水利之法視歲之  
豐歉而爲之斂散以惠農民凡役錢產有厚薄則輸有多寡及給  
吏祿亦視其執役之重輕難易以爲之等商有滯貨則官爲斂之  
復售於民以平物價皆總其政令仍專舉刺官吏之事熙寧初先  
遣官提舉河北陝西路常平未幾諸路悉置提舉官元祐初罷之

併其職于提點刑獄司紹聖初復置元符以後因之

提舉茶鹽司掌摘山煮海之利以佐國用皆有鈔法視其歲額之登損以詔賞罰凡給之不如期鬻之不如式與州縣之不加恤者皆劾以聞政和改元詔江淮荆浙六路共置一員既而諸路皆置中興後通置提舉常平茶鹽司掌常平義倉免役之政令凡官田產及坊場河渡之入案額拘納收糴儲積時其斂散以便民視產高下以平其役建炎元年常平職事併歸提刑司錢歸行在二年始復置常平官還其糴本未幾復罷紹興二年復置主管

係提刑司委通判或

幕職官充

其後置經制司改常平官爲經制某路幹辦常平等公事未

幾經制司罷復爲常平官十五年戶部侍郎王鈇言常平之設科條實繁其利不一豈一主管官能勝其任乃詔諸路提舉茶鹽官改充提舉常平茶鹽公事如四川無茶鹽去處仍以提刑兼充主

管官改充常平司幹辦公事是年冬詔提舉官依舊法爲監司與  
轉運判官敘官歲舉升改官員有不職則劾以聞其後常平錢多  
取以贍軍所掌特義倉水利設法振濟之事茶鹽司置官提舉本  
以給賞鈔引通商阜財時詣所部州縣巡歷覺察禁止私販案劾  
不法其屬有幹辦官旣與常平合一遂竝行兩司之事焉

都大提舉茶馬司掌權茶之利以佐邦用凡市馬於四夷率以茶  
易之應產茶及市馬之處官屬許自辟置視其數之登耗以詔賞

舊制於原渭德順三郡市馬熙寧七年初復臨河經略使王詔言西人頗以善馬至邊其所嗜  
言唯茶而乏茶與之爲市請趣賣茶司買之乃命三司幹辦公事李杞運蜀茶至隄河置賣馬場  
六而原渭德順更不買馬於是杞言賣茶買馬一事也乞同提舉買馬杞遂職馬政然分合不常  
至元豐六年羣牧判官提舉買馬郭茂侑又言茶司旣不兼買馬遂立法以書馬政恐誤國事乞  
併茶場買馬爲一司從之先是市馬于邊有司倖賞率以驚充數紹聖中都大茶

馬程之邵始精揀汰仍以八月至四月爲限又以羨茶轉入熙秦  
市戰騎故馬多而茶息厚二法著爲令

元符末程之邵召對徽宗詢以馬政之  
邵言戎俗食肉飲酪故貴茶而病於難

得願禁沿邊鬻茶事以蜀西  
鳥上乘詔可未幾後馬萬匹

宣和中以茶馬兩司吏員猥衆於是朝奉大

夫何漸請遵豐熙成憲稱其事之餘簡而定以員數從之紹興四  
年初命四川宣撫司支茶博馬七年復置茶馬官凡買馬州縣黎  
文敘長南寧平珍皆與知州通判同措置任責通判許茶馬司辟  
置視買馬額數之盈虧而賞罰之歲發馬綱應副屯駐諸軍及三  
衙之用舊有主管茶馬同提舉茶馬都大提舉茶馬皆考其資歷  
授之乾道初用臣僚言省罷委各郡知州通判監押任責尋復置  
紹熙三年茶馬司拖欠馬數過多詔將本年分馬綱錢價責茶馬  
司撥付湖廣總領所勞付軍官自買土馬嘉定三年以所發綱馬  
不及格式詔茶馬官各差一員遂分爲兩司

文臣成都主茶  
武臣興元主馬

其屬其有

幹辦公事四員準備差使二員

提舉阮台司掌收山澤之所產及鑄泉貨以給邦國之用歲有定

數視其登耗而賞罰之舊制一員元豐初以其通領九路歲不能周歷所部始增爲二員分置兩司在饒者領江東淮浙福建等路在虔者領江西湖廣等路至元祐復併爲一員紹興五年以責任不專職任廢弛詔將饒州司官吏除留屬官一員外竝減罷併歸虔州司又加都大二字於提點之上或病其事權太重省併歸逐路轉運司措置仍置提領諸路鑄錢官一員於行在以待從官充自此或復或罷不一乾道六年併歸發運司發運司罷復置提點兩司如初淳熙二年併贛歸饒復加都大二字與提刑序官其屬有幹辦公事二員檢踏官六員稱銅官催綱官各一員

提舉市舶司掌蕃貨海舶征權貿易之事以來遠人通遠物元祐初詔福建路於泉州置司夫觀元年復置浙廣福建三路市舶提舉官明年御史中丞石公弼請以諸路提舉市舶歸之轉運司不

報建炎初罷閩浙市舶司歸轉運司未幾復置紹興二十九年臣僚言福建廣南各置務於一州兩浙市舶乃分建於五所乾道初臣僚又言兩浙提舉市舶一司抽解搔擾之弊且言福建廣南皆有市舶物貨浩瀚置官提舉實宜惟兩浙冗蠹可罷從之仍委逐處知州通判知縣監管同檢視而轉運司總之

提舉學事司掌一路州縣學政歲巡所部以察師儒之優劣生員之勤惰而專舉刺之事崇寧二年置宣和三年罷

提點開封府界諸縣鎮公事掌察畿內縣鎮刑獄盜賊場務河渠之事

提舉河北糴便司糴便芻糧以供邊儲之用

提舉制置解鹽司掌鹽澤之禁令使民入粟塞下予鈔給鹽以足民用而實邊備凡鹽價高下及文鈔出納多寡之數皆掌之

經制邊防財用司掌經書錢帛芻糧以供邊費凡權易貨物根括  
耕地及邊部弓箭手等事皆奏而行之熙寧末以熙河連歲用兵  
仰給支度費用不貲始置是司元祐初罷崇寧中復置提舉兵馬  
提轄兵甲皆守臣兼之掌案練軍旅督捕盜賊以靖境內凡諸營  
之名籍較其壯怯而賞罰之

提舉保甲司掌什伍其民教之武藝視其優劣而進退之元祐初  
置于開封府界遂下其法河北河東陝西三路既而悉置提舉官  
如府界焉

提舉三白渠公事掌瀦泄三白渠以給關中灌溉之利

檢發司 輦運司 掌以時起發綱運而督其滯留以供京師之

用

提舉弓箭手掌沿邊郡縣射地弓箭手之籍及團結訓練賞罰之

事政和五年復以所招弓箭手之數爲殿最

府州軍監 宋初革五季之患召諸鎮節度會于京師賜第以

之分命朝臣出守列郡號權知軍州事軍謂兵州謂民政焉其後

文武官參爲知州軍事二品以上及帶中書樞密院宣徽使職事

稱判某府州軍監諸府置知府事一人州軍監亦如之掌總理郡

政宣布條教導民以善而糾其姦慝歲時勤課農桑旌別孝悌其

賦役錢穀獄訟之事兵民之政皆總焉凡法令條制悉意奉行以

率所屬有赦宥則以時宣讀而班告于治境舉行祀典察郡吏德

義材能而侱任之若疲爽不任事或姦貪冒法則案劾以聞遇水

旱以法振濟安集流亾無使失所若河南應天大名府則兼畱守

司公事太原府延安府慶州渭州熙州秦州則兼經略安撫使馬

步軍都總官定州眞定府瀛州大名府京兆府則兼安撫使馬步



軍都總管瀘州潭州廣州桂州雄州則兼安撫使兵馬鈐轄潁昌府青州鄆州許州鄧州則兼安撫使兵馬巡檢其餘大藩府或沿邊州郡或當一道衝要者竝兼兵馬鈐轄巡檢或帶沿邊安撫提轄兵甲沿邊溪洞都巡檢餘州軍則別其地望之高下與職務之繁簡而置之分曹以理之而總其綱要凡屬縣之事皆統勇建炎初詔河北京東西路除帥司外舊差文臣知州去處許通差武臣一次又要郡文臣一員帶本路兵馬鈐轄武臣一員充副鈐轄次要郡文臣一員帶本路兵馬都監武臣一員充副都監紹興三年詔守臣帶路分鈐轄都監去處竝罷五年帝以守令皆帶勸農公事多不奉職自今有治效顯著者可令中書省籍記姓名特加擢用凡從官出知郡者特許不避本貫初除授見闕及自外罷任赴闕竝令引見上殿九年詔應守臣以二年爲任又以武臣作郡往

往不曉民事且多恣橫詔新復州郡只差文臣續因臣僚言極邊  
控扼去處仍差武臣其不係極邊文武臣通差詔守臣到任半年  
以上具民間利病或邊防五條聞奏委都司看詳有便於民者卽  
與施行續又詔不拘五條之數十三年詔依舊制帶提舉或主管  
學事從官以上稱提舉餘  
知通主管清燕中罷乾道二年令非曾任守臣不得爲郎定諸郡  
合文武臣通差去處竝依舊制

通判宋初懲五代藩鎮之弊乾德初下湖南始置諸州通判命刑  
部郎中賈玘等充建隆四年詔知府公事竝須長史通判簽議連  
書方許行下時大郡置二員餘置一員州不及萬戶不置武臣知  
州小郡亦特置焉其廣南小州有試秩通判兼知州者職掌俸貳  
郡政凡兵民錢穀戶口賦役獄訟聽斷之事可否裁決與守臣通  
簽書施行所部官有善否及職事修廢得刺舉以聞元祐元年詔

知州係帥臣其將下公事不許通判同管元符元年詔通判幕職官今日赴長官廳議事及都廳簽書文檄南渡後設官如舊入則貳政出則案縣有軍旅之事則專任錢糧之責經制總制錢額與本郡協力拘催以入于戶部既而諸州通判有兩員處減一員凡軍監之小者不置又詔更不添差其後或以廢事請或以控扼去處請五年以後旋添置之除潭廣洪州鎮江建康成都府見係兩員外凡帥府通判竝以兩員爲額餘置一員乾道元年詔買馬州軍通判合茶馬司依舊法奏辟餘堂除差人淳熙十四年利州路提刑言關外四州通判乞自制置司奏辟所有金洋興利文龍等州通判乞送轉運司擬差竝從之

幕職官 簽書判官廳公事 兩使防團軍事推判官 節度掌

書記 觀察支使 掌裨贊郡政總理諸案文移斟酌可否以白

于其長而罷行之凡員數多寡視郡小大及職務之煩簡初政和  
改簽書判官廳公事爲司錄建炎初復舊凡節度推判官從軍額  
察推及支使從州府名凡諸州減罷通判處則升判官爲簽判以  
兼之小郡推判官不竝置或以判官兼司法或以推官兼支使亦  
有併判官窠闕省罷則令錄參兼管凡要郡簽判不之官皆堂除  
餘吏部使闕二廣閒許監司辟差紹熙元年臣僚言廣西奏擬簽  
判多恩科癯老乞行下轉運司不許差年六十以上昏眊之人嘉  
定二年臣僚言監司有幹官州郡有職官以供簽廳之職或非才  
小勝任則案刺易置可也今乃差兼簽廳者動輒三兩員或四五  
員其餘冗費與添差何異乞將諸州郡所差兼簽廳官竝行住罷  
從之

諸曹官舊制錄事參軍掌州院庶務糾諸曹稽違戶曹參軍掌

戶籍賦稅倉庫受納 司法參軍掌議法斷刑 司理參軍掌訟

獄勘鞫之事中興詔曹掾官依舊惟司理司法竝注經任及試中  
刑法人乾道以來閒以司戶兼司法知錄亦或兼職六年汪大猷  
言司戶初官令專主倉庫知錄依司理例以獄事爲重不兼它職  
促之仍依知縣格法銓量如有老疾昏眊難任事者卽從本州知  
通於判司簿尉內選經一考以上無辜犯曉法人對換紹熙元年  
詔不曾銓試人不許注授司法慶元五年臣僚言司理獄事煩重  
宜優其舉主照提刑司合舉主三員以上許閒歲舉獄官一員嘉  
定中申明年滿六十不許爲獄官之令仍不許恩科人注授

教授景祐四年詔藩鎮始立學它州勿聽慶曆四年詔諸路州軍  
監各令立學學者二百人以上許更置縣學自是州郡無不有學  
貽置教授以經術行義訓導諸生掌其課試之事而糾正不如規

者委運司及長史於幕職州縣內薦或本處舉人有德藝者充熙  
寧六年詔諸路學官委中書門下選差至是始命于朝廷元豐元  
年州府學官其五十三員諸路惟大郡有之軍監未盡置元祐元  
年詔齊廬宿常等州各置教授一員自是列郡各置教官建炎三  
年教授竝罷紹興三年復置四十二州十二年詔無教授官州軍  
令吏部申尚書省選差二十六年詔竝不許兼它職令提舉司常  
切遵守若試教官則始於元豐添差教授則始於政和

縣合建隆元年令天下諸縣除赤畿外有望緊上中下掌總治民  
政勸課農桑平決獄訟有德澤禁令則宣布于治境凡戶口賦役  
錢穀振濟給納之事皆掌之以時造戶版及催理二稅有水旱則  
有災傷之訴以分數蠲免民以水旱流亾則撫存安集之無使失  
業有孝悌行義聞于鄉閭者具事實上于州激勸以勵風俗若京

朝幕官則爲知縣事有戍兵則兼兵馬都監或監押

宣教郎以下帶監押

初建

炎多差武臣紹興詔專用文臣然沿邊溪洞處仍許武臣指射邑

大事煩則堂除仍備緋章服嚴差出之禁任滿有政績則與升擢

乾道以後定以三年爲任仍非兩任不除監察御史初改官人必

作縣謂之須入十六年詔知縣在任不成兩考卽不合理爲實歷

嘉定十二年詔兩經作令滿替者實歷九考有政聲無過犯舉員

及格改官人特免再作知縣許受簽判或幹官以當知縣履歷

縣丞初不置天聖中因蘇耆請開封兩縣始各置丞二員在簿尉

之上仍於有出身幕職令錄內選充皇祐中詔亦縣丞竝除新改

官人熙寧四年編修條例所言諸路州軍縣劇縣令戶二萬已上

增置丞一員以幕職官或縣令人充元祐元年詔應因給納常平

免役置丞竝行省罷如委事務縣劇難以省罷處令轉運司存留

崇寧二年宰相蔡京言熙寧之初修水土之政行市易之法興山澤之利皆王政之大請縣竝置丞一員以掌其事大觀三年詔昨增置縣丞內除舊額及萬戶以上縣事務餘冗及雖非萬戶實有山澤阡治之利可以修興去處依舊存留外餘皆減罷建炎元年詔縣丞係嘉祐以前員闕并萬戶處存留一員餘竝罷紹興三年以淮東累經兵火權罷縣丞十八年置海陵丞一員嘉定後小邑不置丞以簿兼

主簿開寶三年詔諸縣千戶以上置令簿尉四百戶以上置令尉令知主簿事四百戶以下置簿尉以主簿兼知縣事咸平四年王欽若言川陝縣五千戶以上請竝置簿自餘仍以尉兼從之自後川蜀及江南諸縣各增置主簿中興後置簿掌出納官物銷注簿書凡縣不置丞則簿兼丞之事凡批銷必親書押不許用手記仍



不許差出以防銷注

尉建隆三年每縣置尉一員在主簿之下奉賜竝同至和二年開封祥符兩縣各增置一員掌閱習弓手戢姦禁暴凡縣不置簿則尉兼之中興沿邊諸縣閒以武臣爲尉竝帶兼巡捉私茶鹽礬亦或文武通差隆興詔不許差癯老疾病年六十以上之人邑大事煩則置二尉紹熙中詔恩科人年及六十不差嘉定十三年詔極邊縣尉獲盜酬賞班改歲以二員爲額

鎮砦官 諸鎮置於管下人煙繁盛處設監官管火禁或兼酒稅之事砦置於險扼控禦去處設砦官招收土軍閱習武藝以防盜賊凡杖臯以上竝解本縣餘聽決遣

廟令 丞

主簿

舊制五岳四瀆東海南海諸廟各置令丞廟

之政令多統於本縣命京朝知縣者稱菅句廟事或以令錄老耄

不治者爲廟令判司簿尉爲廟簿掌葺治修飾之事凡以財施於廟者籍其名數而掌之

總管鈐轄司掌總治軍旅屯戍營房守禦之政令凡將兵隸屬官訓練教閱賞罰之事皆掌之守臣帶提舉兵馬巡檢都監及提轄兵甲者掌統治軍旅訓練教閱以督捕盜賊而肅清治境凡諸營各籍賞罰之事皆掌之崇寧四年蔡京奏京畿四輔置輔郡屏衛京師以潁川府爲南輔襄邑縣升爲拱州爲東輔鄭州爲西輔澶州爲北輔以太中大夫以上知州置副總管鈐轄各一員知州爲都總管餘依三路帥臣法從之大觀三年詔東南帥府總管依三路都總管法靖康元年詔四道副總管並通差文武臣其諸路將官掌統所隸禁旅以行陳隊伍金鼓旗幟弓矢擊刺之法而教習訓練之別其武藝強者待次遷補以激勸士卒凡兵仗器甲之數

虞祿犒設賞罰約束之禁令皆掌焉副將爲之貳若屯戍防邊則受帥司節制遇寇敵則審其戰守應援之事若師有功則具馘數籍用命而旌賞之

路分都監掌本路禁旅屯戍邊防訓練之政令以肅清所部州府以下都監皆掌其本城屯駐兵甲訓練差使之事資淺者爲監押紹聖三年詔諸路將副序位在路分都監之下大觀三年詔帥府無路分鈐轄望都無路分都監者許置一員其餘添置處任滿不差人宣和二年虔州添置都監一員建炎初分置帥府以諸路帥臣兼要郡守臣帶兵馬鈐轄次要郡帶兵馬都監竝以武臣爲之副稱副總管副鈐轄副都監許以便宣行軍馬事辟置僚屬依帥臣法屯兵皆有等差遇朝廷起兵則副總管爲帥副鈐轄都監各以兵從聽其節制其後益瀘夔廣桂五州牧又皆以都鈐轄爲稱

四年詔建康不江州路又置副都總管一員於見置帥司處駐劄  
紹興二年詔要郡次要郡守臣罷帶兵職其逐路副總管依舊格  
改充路分都監爲一路掌兵之官其各州鈐轄或省或置不一又  
有逐路兵馬都監兵馬監押掌煙火公事捉捕盜賊淳熙十六年  
詔諸路訓練鈐轄竝須年六十以下曾經從軍有才武人充紹熙  
元年指揮襍流出身之人不得過路分州鈐轄諸州軍兵馬都監獨  
員處專注才武及曾任主兵官之人慶元中詔總管下至副將等  
年七十以上許自陳與宮觀差遣初守臣罷帶兵職惟江西贛州  
以多盜仍帶江西兵馬鈐轄其後武臣爲路鈐轄者亦無尺籍伍符  
每歲諸州案閱特存故事閒有得旨葺治軍器或訓練禁軍則仍  
帶入銜

諸軍都統制

副都統制

統制

統領

舊制出師征討諸將

不相統一則拔一人爲都統制以總之未爲官稱也建炎初置御  
營司擢王淵爲都統制名官自此始其後神武五軍及川陝宣撫  
司都督府樞密院皆置紹興十一年三大將兵罷諸軍皆冠以御  
前二字擢其偏裨爲御前統領官以統制御前軍馬人銜秩高者  
爲御前諸軍都統制且令仍舊駐劄以屯駐州名冠軍額之上其  
後興元江陵建康鎮江府興金鄂江池州及平江許浦水軍皆除  
都統制恩數略視三衙權任在帥臣右官卑者稱副都統制設屬  
有計議機宜幹辦公事準備差遣省置不一次有副都統制乾道  
三年帝諭輔臣欲今後江上諸軍各置副都統一員兼領軍事豈  
惟儲帥亦使三將顧忌不敢專擅因言都副統制禮有隆殺且爲  
條約上曰如此它日不致爭權不禮遂行之然其後都副鮮有並  
除者初渡江後大軍又有統制同統制副統制統領同統領副統

領其下有正將準備將訓練官部將隊將等名皆偏裨也舊制準備將而上皆主帥升差仍先申樞密院審察乾道七年詔訓練官部隊將而下許軍中徑差申朝廷照會紹熙開詔諸軍升差統制至準備將者主帥解發三人赴總領所選一名諸將不以爲便慶元三年詔主帥選擇總領所或屯軍處守臣審覈保明申樞密院巡檢司有沿邊谿峒都巡檢或蕃漢都巡檢或數州數縣管界或一州一縣巡檢掌訓治甲兵巡邏州邑禽捕盜賊事又有刀魚船戰棹巡檢江河淮海置捉賊巡檢及巡馬遞鋪巡河巡捉私茶鹽等各視其名以修舉職業皆掌巡邏幾察之事中興以後分置都巡檢使都巡檢巡檢州縣巡檢掌土軍禁軍招填教習之政令以巡防扞禦盜賊凡沿江沿海招集水軍控扼要害及地分闊遠處皆置巡檢一員往來接連合相應援處則置都巡檢以總之皆以

材武大小使臣充各隨所在驪州縣守令節制本若事竝申取州縣指揮若海南瓊管及歸峽荆門等處跨連數郡控制谿峒又置水陸都巡檢使或三州都巡檢使以增重之

監當官掌茶鹽酒稅場務征輸及冶鑄之事諸州軍隨事置官其征權提務歲有定額歲終課其額之登耗以爲舉刺凡課利所入日具數以申于州建炎初詔監當官關許轉運司具名奏辟一次以二年爲任實有六考方許闕升煩劇去處許添差一員凡交割必置曆以稽其贖欠合選差文臣處更不差武臣淳熙二年詔二萬貫以下庫分選有才幹存留一員指揮諸班直親從親事官保義郎以下差充建炎四年詔每州每以五員爲額

宋史卷一百六十八

職官志第一百二十一

職官八

合班之制

建隆以後合班之制

中書令 侍中

同中書門下平章事

已上為宰相

親王樞密使留守節

度京尹兼中書令侍中同中書門下平章事

已上並為樞密使

太師

太尉

太傅

太保

司徒

司空

舊儀太師太傅太保為三公太尉在太保下國朝以來司空為三公太尉在太保下

自太傅除太尉今依此次序其三公之稱如舊儀制

樞密使

知樞密院事參知政事

舊在樞密使下樞密

副使

舊在知院之上

同知樞密院事

宣徽南院北院使

簽書樞密院事

參政以下班位臨時取奏裁

太子太師太傅太保

左右僕射

太子少師少傅少保

諸府牧

開封京兆

河南應天

大名江陵

興元真定

江寧

又育大都督

大郡護今皆領使無特為者

御史大夫

觀文殿大學士

舊無此位

六尚書

吏兵戶

左右金吾衛

左右衛



上將軍 門下中書侍郎舊在尙書下 節度使泰寧 武寧 彰信 鎮海 天平 安化 武成 忠武 鎮海 河陽

山南東道 武勝 崇信 昭化 保康 天雄 成德 鎮寧 彰德 永清 安國 威德 彰信 雄武 保泰 淮南 忠正 保信 保靜 集慶 建康 監國 鎮南

昭信 荆南 寧海 武昌 安遠 武安 鎮東 平江 鎮江 宣德 保寧 康國

威武 建寧 益州 安靜 武信 山南西道 昭武 安德 武定 寧海 寧江 武康

清海 靜江 寧遠 建武 高州 定南 密州 靜海 涼州 西河 沙州 歸義 觀文

洮州 保順 應州 彭國 威城 昌化 豐州 天德 朔州 振武 雲州 大同

殿學士舊曰文明殿若學士 官尚書者自從本班 資政殿大學士 三司使與觀文資政班 位臨時取裁 玉清

昭應宮景靈宮會靈觀副使與三司使翰林學士班位臨時取裁 翰林學士承旨 翰林

學士 資政殿學士 翰林侍讀侍講學士 龍圖閣學士 天

章閣學士 樞密直學士 龍圖直學士 天章直學士 左右

散騎常侍舊在諸衛 上將軍下 六統軍左右龍武 左右神武 左右武衛 左右屯衛 諸衛上將軍

左右領軍衛 左右千牛衛 太子賓客 太常 宗正卿 御史中丞權中丞立中丞增 位內殿起居日止

立本 左右丞 諸行侍郎 節度觀察畱後 給事中 左右諫

議大夫 中書舍人 知制誥 龍圖閣待制 天章閣待制

觀察使 祕書監 光祿 衛尉 太僕 大理 鴻臚 司農

太府卿 內客省使 國子祭酒 殿中 少府 將作監

景德殿使 延福宮使 客省使 開封河南應天大名尹太子

詹事 諸王傅 司天監 諸衛大將軍 太子左右庶子 引

進使 防禦使 齊濟沂登萊鄭汝蔡潁均鄧棧衛博磁洛棣深瀛雄霸莫代絳解龍和蘄舒復肩象陸果 團練使 單濮濬唐相翼

三司鹽鐵度支戶部副使 官至諫議大夫已上從本官 玉清昭應宮景靈宮會靈觀

判官 太常寺宗正少卿 祕書少監 光祿等寺七寺少卿

宣慶使 四方館使 國子司業 殿中 少府 將作少監

開封河南應天大名少尹 太子少詹事 左右諭德 太子家

令 太子率更令 太子僕 諸州刺史 滿趙德演係并汾羅登憲嵐石號坊丹階乾商寧原慶滑儀環楚秦

泗濠光祿通黃真舒江池饒信太平吉袁撫筠岳豐嶽歸辰衡永全柳郃常秀溫台衛睦處南劔江章縣漢彭邱蜀嘉簡興雅維茂資榮昌普步合戎瀘興劍文集壁巴蓬龍施萬開達治渝昭循

湖連海英寶封南雄端新康恩春惠韶梧藤翼象高貴賓橫融化寶高雷南德欽鬱林康瓊崖儋馬安 諸王府長史 司馬 司天

少監 樞密都承旨 如密省使以下充者依本職同班如閣門使充即在閣門使之上如自見任內密省使以下轉南班官充亦與同班仍在舊職之上

如自密省副使以下轉南班官充者並在閣門使之上 宣政使 昭宣使 東上西上閣門使 樞

密承旨 樞密副都承旨 諸軍衛將軍 起居郎 起居舍人

知樞密院事 侍御史 諸行郎中 左右司 吏部 兵部 司封 司勳 考功 職方 駕部 庫部 度支 戶部

皇城以下諸司使 皇城 洛苑 尚食

左驥驥 御厨 內藏庫 軍器 左藏 儀鸞 南作坊 弓箭庫 北作坊 衣庫 莊宅 六宅 文思 東作坊 內苑牛羊 如京 東綾錦 香藥 崇儀 榷易 西京左右藏

承旨 如帶南班官者在諸司使之下不帶南班官者在皇城副使之下 殿中侍御史 左右司諫 諸行員

外郎 密省引進 閣門副使 左右正言 監察御史 太常

博士 皇城以下諸司副使 諸次府少尹 大都督府左右司馬

充徐潞 楊杭 越福 通事舍人 國子博士 春秋禮記毛詩尚書周易博士

都水使者 開封祥符河南洛陽宋城縣令 太常 宗正

祕書丞 著作郎 殿中丞 內殿承制 殿中省尚食尚藥尚

衣尚舍尚乘尚輦奉御 大理正 太子中允 左右贊善大夫

內殿崇班 閣門祇候 太子中舍 洗馬 太子諸率府率

左右衛 樞密院兵房吏房戶房禮房副承旨 東頭西頭

供奉官 太子諸率府副率 諸衛中郎將 左右金吾 左右衛 郎將

左右金吾 左右衛 左右侍禁 諸王友 諸王府諮議參軍 官高者 從本官 司天春官

夏官中官秋官冬官正 節度行軍司馬副使 祕書郎 左右

班殿直 著作佐郎 大理寺丞 諸寺監丞 大理評事 太

學廣文博士 太常太祝 奉禮郎 祕書省校書郎 正字御

史臺諸寺監主簿 國子助教 廣文太學四門書學算學博士

律學助教 書算學 無助教 司天靈臺郎 保章正 挈壺正 三班奉職

借職 防禦團練副使 畱守京府節度觀察判官 節度掌

書記 觀察支使 防禦團練判官 留守京府節度觀察推官

軍事判官 防禦團練軍事推官 軍監判官 諸軍別駕長

史司馬 司錄錄事參軍司理參軍 三京府軍巡判官在諸曹參軍之下 諸州諸司參軍

軍巡判官 諸縣令 赤縣丞 諸縣主簿尉 諸軍文學參

軍助教

元豐以後合班之制

諸太師 舊制太尉為三公在太 太傅 太保 侍中 中書令 政和三年改左輔右弼靖康後復 尚書

令 少師 少傅 少保 舊太尉司徒司空政和二年改 尚書 左右僕射 政和三年改太宰少宰靖康後舊元豐令王在左右僕射下

開府儀同三司 知樞密院事 門下中書侍郎 尚書左右丞 同知樞

密院事 簽書樞密院事 元豐罷元祐復置政和人祿坐 太子 太師 太傅 太保 特進 觀文

殿大學士 太尉 舊為三公政和二年改為三少復以太尉為武選一品位節度使上 太子 少師 少傅 少保 冀 堯

青徐揚荆豫梁雍州牧 元祐復置政和人祿歷 御史大夫 觀文殿學士 資政 元豐

令在節 保和殿大學士 政和四年置宣和殿大學士學士 吏部 戶部 禮部 兵部

刑部 工部 尚書 金紫 銀青光祿大夫 左右 金吾衛上將軍 節度使

翰林學士 承旨 翰林學士 資政 保和 端明 政和四年改為延康 殿學士 龍圖天

章 寶文 元豐二年增置 顯謨 元豐元年增置 徽猷 崇寧二年增置 閣學士 左右 散騎常侍 御

史中丞 舊在直學士下 開封尹 崇寧二年升 尚書 列曹 侍郎 樞密 直學士 政和四年改為

述古殿 龍圖 天章 寶文 顯謨 徽猷 閣 直學士 宣奉 元祐左光祿大夫 正奉 元祐右

夫並大觀二年改置 正議 通奉 大夫 殿中 監 舊在祕書監下 大司成 崇寧二年增置 左右 驍衛

武衛 屯衛 領軍 衛監 門衛 千牛 衛上 將軍 太子 賓客 詹事 給事中

中書 舍人 通議 大夫 承宣 使 舊節度觀察副使 左右 諫議 大夫 保和 殿

侍制 龍圖 天章 寶文 顯謨 徽猷 閣 待制 太中 大夫 太常 卿 大司 樂

崇寧二年增置 宗正 卿 祕書 監 殿中 少 監 崇寧二年升 觀察 使 中 大夫 光祿 衛尉 太

僕 大理 鴻臚 司 農 太 府 卿 中 奉 元祐左中散大夫大觀二年改 中 散 通 侍 大 夫 舊內客省使政和二年

年改橫行正使副使大使臣小使臣改樞密都承旨國子祭酒太常少卿典樂崇寧二年增置宗正

少卿祕書少監正侍舊延福宮使政和二年改宣正履正協忠三階係政和六年增置中侍中

亮大夫舊省使太子左右庶子中衛舊引翊衛親衛大夫政和六年增置防禦

團練使諸州刺史左右金吾以下諸衛大將軍駙馬都尉集英殿

修撰政和八年置七寺少卿朝議奉直大夫元祐右朝議大夫大觀二年改置尚書左右司郎

中右文殿修撰舊集賢殿修撰不人雜歷政和六年改增入國子辟雍司業崇寧元年增置少府將作軍

器監都水使者入內內侍省都都知政和改知天內內侍省事內侍省都都知和政

改知內侍省事拱衛大夫舊四方館使太子少詹事左右諭德入內內侍省副都知

內侍省副都知政和並改同知省事左武右武大夫舊東西上閣門使入內內侍省押班

內侍省押班政和並改簽書省事管幹殿中省尚舍尚藥尚醞尚輦尚衣尚食

局崇寧二年增置樞密副都承旨起居郎起居舍人侍御史尚書左右司員

外郎祕閣修撰政和六年增置開封少尹崇寧三年升尚書吏部司封司勳考功戶

部度支金部倉部禮部祠部主客膳部兵部職方庫部駕部刑部

都官比部司門工部屯田虞部水部郎中開封府司錄事舊錄參軍事在兩赤

縣令之上崇寧二年升改直龍圖閣元豐元祐令並不入朝請朝散朝奉大夫直天章

閣政和六年增入殿中侍御史左右司諫左右正言舊在監察御史政和升符寶郎大觀元年增置

殿中省尚食尚藥尚醢尚輦尚衣尚舍典御崇寧三年增置內符寶郎大觀元年增置

樞密副承旨元豐令有知上州在此下元祐以後並去武功舊皇城使自此以下政和六年改武德舊宮苑左右驛驛內藏庫使和

安成和成安成全舊翰林尚食軍器儀鸞使武顯舊左藏東門作坊使武節舊莊宅大宅女思使平和舊綾錦使初改

係和政和五年以犯殿名改武略舊內園洛苑如京崇儀使保安舊權易使武經舊西京左藏庫使武義

大夫舊西京作坊東門西漆阮禮賓使翰林良醫舊翰林醫官使武翼大夫舊在衛庫使尚書諸司員外郎

直寶文閣政和六年增置開封府司六曹事崇寧三年增置樞密院諸房副承旨朝請

朝散朝奉郎直顯謨閣政和六年增入少府將作軍器少監諸衛將軍太子

侍讀侍講正侍宣正履正協忠自宣政至協忠政和六年增置中侍中亮中衛翊衛



親衛拱衛左武右武郎舊橫行副使監察御史元豐令有知殿中丞

書丞下崇寧一年升直徽猷閣政和六年改承議郎武功至武義郎翰林醫正武翼郎

諸司太子中舍太子舍人親王府翊善贊讀直講舊侍講侍太常丞

大晟樂令崇寧二年增置太醫令宗正太宗正祕書丞直祕閣政和六年置元豐

奉議郎大理正著作郎太史局令直翰林醫官局殿中省六尚奉

御舊在大理正太醫丞元祐增置閣門宣贊舍人舊閣門通事舍人兩赤縣令太

子左右衛司禦清道監門內率府率七寺丞祕書郎太常博士陵

臺令元祐中增置著作佐郎殿中省主簿崇寧二年增置國子監丞辟雍丞崇寧二年增置宗

子崇寧元年增置國子博士大理司直評事敦武舊內殿承制政和六年改下同通直郎修武郎

內殿內常侍元豐令上州通判在此下太史局正少府將作軍器都水監丞開封

府參軍事崇寧三年增置大醫局正祕書省校書郎正字親王府記室元豐元祐

參軍字政和三年除去太史局五官正御史臺檢法官主簿元豐令在監丞下九寺

大晟府

崇寧三年增置

主簿閣門祇候樞密院逐房副承旨

元豐合中下州通判在此下供奉

官

舊內東頭供奉官政和六年改下同

從義郎

東頭供奉官

左侍禁

內西頭供奉官

秉義郎

西頭供奉官

太子諸率

府副率幹當左右廂公事

崇寧中增入

右侍禁

左班殿直

殿頭高品

忠訓忠翊

左右侍禁

宣敎郎

舊宣德郎政和四年改

大學辟雍

崇寧元年增置

武學律學

開封府

大觀元年增置

博士太常寺奉禮郎

大晟府協律郎

崇寧二年增置

太常寺太祝

郊社籍田令

光祿寺太官令

元豐元祐令在大學博士上

五監辟雍

崇寧元年增置

主簿宣義郎成忠保義

左右班殿直

承事承奉承務郎宗子

崇寧元年增置

國子太學辟雍

正武學諭

崇寧元年增置

律學正

崇寧元年增置

太醫局丞京府諸州司錄事承直郎

崇寧二年以舊守節度判官改以選人七

階儒林至迪功

京畿縣令

兩赤縣丞

三京赤縣令

右班殿直

高品

黃門內品承

節承信郎

舊三班未職借職

京府諸州司六曹事

元豐元祐令並六曹參軍政和三年除去參軍字為司錄事司儀曹事餘曹放此

儒林

舊掌書記

文林從事郎二京畿縣令京畿縣丞三京赤縣畿縣丞

兩赤縣主簿尉

諸州上中下縣令丞

從政郎

舊司錄事參軍縣令

京府諸州掾

官修職郎

舊知錄事參軍知縣事

京畿縣主簿尉諸州上中下縣主簿尉城峇

主簿馬監主簿迪功郎

舊巡判官司理司法司戶

諸州司士文學助教

舊參軍事

唐令定流內一品至九品有正從上下階之制其後升侍中中書

令爲正二品御史大夫散騎常侍兩省侍郎爲正三品御史中丞

正四品諫議大夫分左右改將作大匠爲監太史局爲司天監置

太監正三品少監正四品上丞正六品上寺簿正七品上主事正

八品下五官正五品上副正正六品靈臺郎正七品下保章正從

七品上挈壺正八品上五官監候正八品下司曆從八品上司辰

正九品上又置國子五經博士爲正五品上左右金吾衛上將軍

爲從二品左右龍武神武軍大將軍爲正三品將軍爲從三品又

置內侍監爲正三品少監從四品改諸州府學博士爲文學在參

軍上五代復置尙書令爲一品升右丞爲正四品上降諫議在給

事之下宋初竝因其制唯升宗正卿爲正四品丞爲從五品其軍器監少監甲弩坊署令丞監作錄事昭文館校書郎司辰司曆監候殿中諸署監事計官太常諸陵廟太醫太公廟署令丞醫鍼博士助教案摩呪禁博士卜正卜博士宗正崇文署令丞大理獄丞鴻臚典客太府寺平準左右藏常平署令丞都水監舟楫河渠署令丞宮苑總副監牧監副丞主簿諸園苑司并百工等監副監及丞諸倉諸冶諸屯溫湯監及丞掌漕諸軍衛錄事諸曹參軍司階中候司戈執戟校尉旅帥隊正隊副正直長長上備身左右備身左右親勳翊衛府中郎將兵曹三衛折衝果毅別將長史兵曹參軍校尉旅帥隊正隊副鎮軍司馬判司太子詹事府丞主簿司直司議郎舍人文學校書正字崇文館校書侍醫通事舍人左右春坊錄事主事三寺丞主簿諸署令丞典倉署園丞廩收典乘內坊

典內及丞與直率府長史錄事諸曹參軍司階中候司戈執戟校尉旅帥隊正隊副直長千牛備身親勳翊府中郎將兵曹三衛王府文學東西閣祭酒掾屬主簿錄事諸曹參軍行參軍典籤典軍執杖執乘親事校尉旅帥隊正隊副國令大農尉丞公主邑令丞邑司錄事河南應天及諸次府都督都府功曹倉兵曹參軍諸州司功司倉司兵參軍諸縣丞京縣錄事諸鎮倉曹兵曹參軍戍主戍副關津令丞并門下省城門符寶郎太常寺協律郎軍器監丞主簿太常寺郊社太卜廩犧光祿寺太常珍羞良醢掌醢衛尉寺武器守宮太僕寺乘黃典廐典牧車府鴻臚寺典客司儀司農寺上林太倉鉤盾導官太府寺諸市少府監中尙左尙右尙織染掌冶將作監左校中校甄官署令丞監膳殿中省六局直長食醫侍御醫司醫佐掌輦奉乘司廩太子典膳典藥內直典設宮門郎并

局丞皆存其名而罕除者皆不錄惟常命官者載之諸司主事錄事皆存而無士人爲之別置中書樞密宣徽院三司及內庭諸司沿舊制而損益焉建隆三年三月有司上合班儀太師太傅太保太尉司徒司空東宮三太嗣王郡王僕射三少三京牧大都督大都護御史大夫六尚書常侍門下中書侍郎太子賓客太常宗正卿御史中丞左右諫議大夫給事中中書舍人左右諸行侍郎祕書監光祿衛尉太僕大理鴻臚司農太府卿國子祭酒殿中少府將作監前任見任節度使開封河南太原尹詹事諸王傅司天監五府尹國公郡公中都督上都護下都督庶子五大都督府長史中都護副都護太常宗正少卿祕書少監光祿等七少卿司業三少監三少尹少詹事諭德家令率更令僕諸王府長史司馬司天少監起居郎舍人侍御史殿中侍御史補闕拾遺監察御史郎中

員外郎太常博士五府少尹五大都督府司馬通事舍人國子五  
經博士都水使者四赤縣令太常宗正祕書丞著作郎殿中丞六  
尚奉御大理正中允贊善中舍洗馬諸王友諮議參軍司天五官  
正凡襍坐之次以此爲準詔曰尚書中臺萬事之本而班位率比  
兩省官節度使出總方面其檢校官多至師傅三公者而位居九  
寺卿監之下甚無謂也其給事中諫議舍人宜降於六曹侍郎之  
下補闕次郎中拾遺監察次員外郎節度使升於中書侍郎之下  
乾德五年正月朔乾元殿受朝升節度使班在龍墀內金吾將軍  
之上淳化三年八月有司重定合班儀詔升尚書令三師之上四  
年節度使升常侍之上觀察使在祕書監之上防禦團練使在庶  
子之下刺史在太子僕之下又升諸行郎中千殿中侍御史之上  
至道三年七月令節度觀察畱後在給事中之上大中祥符元年

八月升兩省侍郎班常侍之上天禧三年十一月令節度使班中

書侍郎之下其序班及視品之制樞密使副使參知政事宣徽使

竝班宰相後樞密使不兼平章事者立參知政事前在宣徽使下至道三年升在上大中祥符九年九月詔自今參知政事樞密副使竝以先後為次宣徽使同資

政殿大學士立文明殿學士之上舊文明殿學士在樞密副使之上太平興國五年移在下資政殿學

士翰林侍讀學士在翰林學士下建隆三年令翰林學士班諸行侍郎下官至丞

丞郎之上樞密直學士同龍圖閣學士在樞密直學士上龍圖直學士在其下仍

少退待制在知制誥之下景德元年初置待制起內朝其五日起居止敘本班大中祥符二年升待知制誥仍在其下權三司

使立知制誥上帶學士職者從本班三司副使立少卿監上官高者從本班宮觀副

使立學士班在翰林學士上其學士為者止本班判官立三司副使之下知制誥以上給諫為者從本班給諫

權御史中丞者令正衙立中丞甄位餘就本班凡起復皆如初授

在本官之末亦有特旨令敘舊班者內客省使視七寺大卿景福

殿使客省使視將作監引進使視庶子宣慶使四方館使視少卿



宣政昭宣閣門使視少監客省等副使視員外郎皇城使以下諸

司使視郎中副使視太常博士內殿承制視殿中丞崇班及閣門

祇候視贊善大夫供奉官視諸衛率侍禁視副率殿直視著作佐

郎奉職借職在諸州幕官上樞密都承旨在閣門使下副承旨諸

房副承旨在諸司使下逐房副承旨在洗馬下金吾衛左右衛上

將軍並在節度使上六統軍諸衛上將軍在常侍下軍在中書侍郎之

下治化四年升金吾左右衛在尚書之下仍於節度使之上敘大將軍在太監下將軍在少監下仍在閣門使之下金

吾立本班上謂中郎將諸衛率副率在洗馬下凡內職視朝官者在其

下視京官者在其上

皇親之制開寶六年詔晉王位望俱崇親賢莫二宐位在宰相之

上太平興國八年楚王廣平郡王出閣令宰相立親王之上天禧四年七月

先夭節擊臣上壽宰相景德中皇侄武信軍節度惟吉加同平章事時駙

馬都尉石保吉先爲使相史館引唐制宗室在同品官上遂升惟  
吉勇大中祥符元年正月有司上都亭驛醮宴位圖皇從侄孫內  
殿崇班守節與從侄右衛將軍惟敘等同一班上曰族子諸父安  
可同列乃命重行設位九年正月興利州團練使德文言男侍禁  
承顯起居請在惟忠子從恪之上時從恪雖侄行而拜職在前  
遂詔宗正寺定宗室班圖以聞宗正言案公式令朝參行立職事  
同者先爵爵又同者先齒今請宗子官同而兄叔次第侄者竝虛  
一位而立天禧四年五月左正言知制誥張師德言奉詔知潁州  
緣皇弟德雍見任本州防禦使其署銜望降規式中書門下言據  
御史臺稱每大朝會立班皇親防禦團練刺史次節度使下稍退  
序立詔師德序署位德雍之下其外官制置發運轉運使副使不  
限官品著位竝在提點刑獄之上

舊止從官大中祥  
符七年詔定其制

朝官知令錄在判官

之上京官在判官之下推官之上長史司馬別駕在幕府官下錄事參軍上見長史庭參監當朝官殿直以下在通判都監之下判官之上其通判與都監竝依官次京官奉職借職監當者依知令錄列在判官之下元豐制行參以寄祿官品高下更革旣多別爲班序其後元祐崇寧大觀政和復有增益更革者別附於其下云至道二年祠部員外郎主判都省郎官事王炳上言曰尙書省因家藏載籍典治教之府所以周知天下地理廣袤風土所宜民俗利害之事當成周之世治定制禮首建六官漢唐因之自唐末亂襍急於經營不遵治教故金穀之政主於三司曹名雖存而其實亾矣謹案吏部四司天官之職掌文官選舉周知天下吏功過能否考定升降之類戶部四司司徒之職掌邦五教周知天下戶口之數禮部四司宗伯之職掌國五禮辨儀式制度周知天下祠典

祠祀之類兵部四司司馬之職掌武人選舉周知天下兵馬器械  
之數刑部四司司寇之職掌國法令周知天下獄訟刑名徒隸之  
數工部四司司空之職掌國百工周知天下封疆城圻山澤草木  
川瀆津渡橋船陂池之數凡此二十四司所掌事務各封圖書具  
載名數藏之本曹謂之載籍所以周知天下事由中制外如指諸  
掌今職司久廢載籍散亾惟吏部四司官曹小具祠部有諸州僧  
道文帳職方有諸州閏年圖經刑部詳覆諸州已決大辟案牘及  
旬禁奏狀此外多無舊式欲望令諸州每年造戶口稅租實行簿  
帳寫以長卷者別寫一本送尙書省藏於戶部以此推之其餘天  
下官吏民口廢置祠廟甲兵徒隸百工疆畝封洫之類亦可以籍  
其名數送尙書省分配諸司俾之緘掌候其歲之後文籍大備然  
後可以振舉官守興崇治教望選大僚數人博通治體者參取古

今禮典及諸令式與三司所受金穀器械簿帳之類仍詳定諸州  
供送二十四司載籍之式如此則尚書省備藏天下事物名數之  
籍如祕閣藏圖書太學藏經典三館藏史傳皆其職也太宗覽奏  
嘉之詔尚書丞郎及五品以上集議吏部尚書宋琪等上奏曰王  
者六官法天地四時之柄百官之本典教所出望委崇文院檢討  
六曹所掌圖籍自何年不繫都省詳其廢置之始究其損益之源  
以期恢復既而其議亦寢大中祥符九年眞宗與宰相語及尚書  
者制言事者屢請復二十四司之制楊礪嘗言之不難但以郎  
官諸司使同領一職則漸可改作王且曰唐設內諸司使悉擬尚  
書省如京倉部也莊宅屯田也皇城司門也禮賓主客也雖名品  
可效而事任不同唐朝諸司所領惟京邑內外耳諸道兵賦各歸  
藩鎮非南宮一郎中員外所能制也朝廷所得三分之一名曰上

俱其它謂州留使之名皆藩臣所有今之三司卽尙書省故事盡  
在但一豪所賦皆歸於縣官而仰給焉故蠲放則澤及下子賜則  
恩歸上此聖朝不易之制也咸平四年左司諫知制誥楊億上疏  
曰國家遵舊制竝建羣司然徒有其名不舉其職只如尙書會府  
工法文昌治本是資政典攸出條目皆具可舉而行今之存者但  
吏部銓擬秩曹詳覆自餘租庸筦權由別使以總領尺籍伍符非  
本司所校定職守雖在或事有所分綱領雖存或政非自出丞轄  
之名空設而無違可糾端揆之任雖重而無務可親周之六官於  
是廢矣且如寺監素司於掌執臺閣咸著於規程昭然軌儀布在  
方冊國家慮銓擬之不允故置審官之司憂議讞之或濫故設審  
刑之署恐命令之或失故建封駁之局臣以爲在於紀綱植立不  
在於琴瑟更張若辨論官材歸於相府卽審官之司可廢矣詳評

刑辟屬於司寇卽審刑之署可去矣出納詔命關於給事中卽封駁之司可罷矣至於尙書二十四司各揚其職寺監臺閣悉復其舊案六典之法度振百官之遺墜在我而已夫豈爲難如此則朝廷益尊堂陛益嚴品流益清端拱而天下治者由茲道也又以唐虞之時建官惟百夏商官倍秦漢益繁施及有唐六策咸在自三公之極貴九品之至微著於令文皆有員數傳云官不必備惟其人蓋闕之斯可矣若乃員外加置苟非其材故竈下羊頭形於嘲詠斗量車載播厥風謠國體所先尤須慎重竊覩班簿員外郎及三百餘人郎中亦及百數自餘太常國子博士殿中丞舍人洗馬俱不下數百人率爲常參皆著引籍不知職業之所守多由恩澤而序遷欲乞案唐制應九品以上官竝定員數又念昔者秦之開郡置守漢以天下爲十三部命刺史以領之自後因郡爲州以太

守爲刺史降及唐氏亦嘗變更曾未數年又仍舊貫今多命省署  
之職出爲知州又設通判之官以爲副貳此權宜之制耳豈可爲  
經久之訓哉臣欲乞諸州竝置刺史以戶口多少置其奉祿分下  
中上緊望雄之等級品秩之制率如舊章與常參官比視階資出  
入更踐省去通判之目但置從事之員建廉察之府以統臨案輿  
地之圖而區處昔者興國初詔廢支郡出於二時十國爲連周法  
斯在一道署使唐制可尋至若號令之行風教之出先及於府府  
以及州州以及縣縣及鄉里自上而下由近及遠譬如身之使臂  
臂之使指提綱而眾目張振領而羣毛理由是言之支郡之不可  
廢也明矣臣欲乞復置支郡隸於大府量地甲而分割如漕運之  
統臨名分有倫官業自舉又觀唐制內外官奉錢之外有祿米職  
田又給防閑庶僕親事帳內執衣白直門夫各以官品差定其數



歲收其課以資於家本司又有公廩田食本錢以給公用自唐夫  
離亂國用不充百官奉錢竝減其半自餘別給一切權停今郡官  
於半奉之中已是除陌又於半奉三分之內其二以它物給之屬  
於市塵十裁得其一二曾餬口之不及豈代耕之足云昔漢宣帝  
下詔云吏能勤事而奉祿薄欲其無侵漁百姓難矣遂加吏奉著  
於策書竊見今之結髮登朝陳力就列其奉也不能致九人之飽  
不及周之上農其祿也未嘗有百石之入不及漢之小吏若乃左  
右僕射百僚之師長位莫崇焉月奉所入不及軍中千夫之帥豈  
稽古之意哉欲乞今後百官奉祿襍給竝循舊制旣豐其稍入可  
責以廉隅官且限以常員理當減於舊費乃唐虞之制也凡預品  
官各設資考課其殿最歸于有司或歷階以升或越次而補國朝  
多以郊祀置慶而稍遷官考功之黜陟不行士流之清濁無辨陞

下深鑒其弊始務惟新昨有事於明禋但徧加於階爵雖矯前失未振舊規竝乞依舊內外官各立考限復令考功修舉其職每歲置使考校以表盡公資秩改遷賞罰懲勸一遵典故以振滯淹又西漢以來用秦武功之爵惟列侯啟封或踰萬戶至關內侯或有食邑不過數百家自是因循以至唐室但食邑者率爲虛設言實封者歲入有差迨及聖朝竝無所給至於除拜之際猶名數未移空有食采之稱真同畫餅之妄欲乞依元和中所定實封條貫支給削去虛邑但行實食以寵勳臣又國家每屬巖禪卽覃大慶敘封追贈罔限彝章乃至太醫之微司曆之賤率荷蓼蕭之澤亦疏石窳之封恩雖出於殊常職不循於經制又官勳之設名品實繁今朝散銀青猶闕命服護軍柱國全是虛名欲乞自今常參官勳散俱至五品者許封官勳俱至三品者許立戟又五等之爵施于

賢才雖有啟封之稱曾無胙土之實苴茅建社固不可以遽行翼  
子詒孫亦足稽於舊典內外官封至伯子男者許蔭子至公侯者  
許蔭孫封國公者許蔭嫡孫一人襲封又當今功臣之稱始於德  
宗扈蹕將士竝加奉天定難功臣之號因一時之賞典爲萬世之  
通規近代以來將相大臣有加至十餘字者尤非輕遽不可遵行  
所宜削除以明憲度昔者講求典禮晉國以清考覈名實漢朝稱  
治當文化誕敷之際是舊章咸秩之時跂見大平正在今日矣論  
者嘉之然以因襲旣久難於驟革旣而言者繼請復二十四司之  
制神宗卽位始命館閣校唐六典以摹本賜羣臣而置局詳定之  
於是凡省臺寺監領空名者一切易之以階元豐九年詳定所上  
寄祿格會明堂禮成卽用新制遷近臣秩初新階尙少而轉行者  
得以易及元祐初朝議大夫六階以上始分左右紹聖中罷之崇

寧初自承直至將仕郎凡換選人七階又增宣奉至奉直大夫四階政和末自從政至迪功郎又改選人三階文階始備而武階亦易正使爲大夫副使爲郎其橫班十二階使副亦然繼又增置臺正履正大夫郎凡十階通爲橫班其後復更開封守臣爲尹牧而內侍省悉倣機廷之號六尙局之修三衛郎之建及左輔右弼太宰少宰之稱員旣濫冗名益繁襍由是官有視秩元豐之制至此大壞及宣和末王黼復請修官制格目而邊事起訖不果成初太平興國八年五月太宗作戒諭百官辭二通以付閣門一戒京朝官受任於外者一戒幕職州縣官初辭對別日合舍人宣示之各繕寫歸所治奉以爲訓焉大中祥符元年眞宗以祥符降錫述大甲清淨爲治之道申誠百官又作誠諭辭二道易舊辭賜出使京朝官及幕職州縣官其後又作文武七條文賜京朝官任轉運使

提點刑獄知州府軍監通判知縣者一曰清心謂平心待物不爲  
喜怒愛憎之所遷則庶事自正二曰奉公謂公直潔已則民自畏  
服三曰修德謂以德化人不必專尚威猛四曰責實勿競虛譽五  
曰明察謂勸察民情勿使賦役不均刑罰不中六曰勸課謂勸諭  
下民勤於孝悌之行農桑之務七曰革弊謂求民疾苦而釐革之  
武條賜牧伯洎諸司使而下任部署鈐轄知州軍縣都監監押駐  
汨巡檢者一曰修身謂修飭其身使士卒有所法則二曰守職謂  
不越其職侵撓州縣民政三曰公平謂均撫士卒無有偏黨四曰  
訓習謂訓教士卒勤習武藝五曰簡閱謂察視士卒識其勤惰勇  
怯六曰存恤謂安撫士卒甘苦皆同當使齊心無令失所七曰威  
嚴謂制馭士卒無使越禁仍許所在刊石或書廳壁奉以爲法又  
以禮記儻行篇賜親民釐務文臣其幕職州縣官使臣賜敕戒礪

令宗文院刻板模印送閣門辭日分給之

淳化元年國子祭酒孔維上言中外文武官稱呼假借踰越班制  
伏請一切禁斷太宗命翰林學士宋白等議之白等請自今文武  
臺省官及卿監郎中員外竝呼本官太常博士大理評事竝不得  
呼郎中諸司使諸衛將軍未領刺史者及諸司副使不得呼太保  
供奉官以下不得呼司徒校書郎以下令錄事不得呼員外郎判  
司簿尉不得呼侍御待詔醫官不得呼奉御其文武職事州縣官  
如有檢校兼試同正官者稱之太宗時郊祀行慶羣官率多進改  
眞宗初右司諫孫何上言曰伏見國家撫有多方竝建眾職外則  
郡將通守朝士代行關征權酷使者兼掌下至幕府職掾之微或  
自朝廷選補而授用人旣廣推擇難精貢部上名動踰于計門資  
入仕亦及百人稍著職勞卽升京秩將命而出冗長尤多每躬祀

園丘誕敷霈澤無賢不肖竝許敘遷至使評事寺丞纔數載而通  
閩籍贊善洗馬不十年而登臺郎竊計今之班簿臺省宮寺凡八  
百員玉石混淆名品猥濫異夫虞書考績周官計治之法也有唐  
舊制郊禋慶宥但進階勳而已今若十年之內肆赦相仍必恐京  
僚過於胥徒朝臣多於州縣豈惟連車平斗之刺亦有敗財假器  
之失况祿廩所賦皆自地征所來須從民力何必空竭公藏附益  
私人已授者朘削旣難未遷者防閑宐峻古人所謂損無用之費  
罷不急之官正在此也伏願特降詔書自今郊祀羣官一例不得  
遷陟必若績用有聞才名夙著自可待之不次豈俟歷階而升至  
於省併吏員上繫與奪時左司諫耿望亦以爲然故咸平二年親  
郊止加階勳命有司考其殿最而黜陟之然三年差遣受代率皆  
考課引對多獲進改罕有退黜而官籍浸增矣

紹興以後合班之制

諸太師太傅太保左丞相右丞相少師少傅少保王樞密使開府儀同三司知樞密院事參知政事同知樞密院事樞密副使簽書樞密院事太子太師太傅太保特進觀文殿大學士太尉太子少師少傅少保冀堯青徐揚荆豫梁雍州牧御史大夫觀文殿學士資政保和殿大學士吏部戶部禮部兵部刑部工部尚書金紫銀青光祿大夫光祿大夫左右金吾衛上將軍左右衛上將軍殿前都指揮使節度使翰林學士承旨翰林學士資政保和端明殿學士龍圖天章寶文顯謨徽猷敷文閣學士左右散騎常侍權六曹尚書御史中丞開封尹尚書列曹侍郎樞密直學士龍圖天章寶文顯謨徽猷敷文閣直學士宣奉正奉正議通奉大夫左右驍衛屯衛領軍衛監門衛千牛衛上將軍太子賓客詹事給事中承宣



使中書舍人通議大夫殿前副都指揮使左右諫議大夫保和殿  
待制龍圖天章寶文顯謨徽猷文閣待制權六曹侍郎太中大  
夫觀察使太常卿宗正卿祕書監馬軍都指揮使步軍都指揮使  
馬步副都指揮使中大夫光祿衛尉太僕大理鴻臚司農太府卿  
中奉中散大夫內客省使通侍大夫樞密都承旨國子祭酒太常  
少卿宗正少卿祕書少監正侍宣正履正協忠大夫中侍中亮大  
夫太子左右庶子中衛翊衛親衛大夫知閤門事殿前都虞候馬  
軍都虞候步軍都虞候防禦使捧日天武四廂都指揮使龍神衛  
四廂都指揮使團練使諸州刺史左右金吾以下諸衛大將軍駙  
馬都尉集英殿修撰七寺少卿朝議奉直大夫中書門下省檢正  
諸房公事尙書左右司郎中右文殿修撰國子司業少府將作軍  
器監都水使者入內內侍省內侍省都知宣政使拱衛大夫太子

少詹事左右諭德入內內侍省內侍省副都知昭宣使左武大夫  
同知閣門事右武大夫入內內侍省內侍省押班樞密都承旨樞  
密副都承旨起居郎起居舍人侍御史帶御器械尚書左右司員  
外郎樞密院檢詳諸房文字祕閣修撰開封少尹太子侍讀侍講  
尚書吏部司封司勳考功戶部度支金部倉部禮部祠部主客膳  
部兵部職方駕部庫部刑部都官比部司門工部屯田虞部水部  
郎中開封府判官推官直龍圖閣朝請朝散朝奉大夫直天章閣  
殿中侍御史左右司諫左右正言符寶郎內符寶郎樞密副承旨  
武功武德和安春官成和夏官成安中官成全秋官武顯武節平  
和冬官武略保安武義武經武翼大夫尚書諸司員外郎直寶文  
閣開封府司錄參軍事樞密院諸房副承旨朝請朝散朝奉郎直  
顯謨閣少府將作軍器少監諸衛將軍正侍宣正履正協忠中侍

中亮中衛翊衛親衛拱衛左武右武郎監察御史直徽猷敷文閣  
承議郎中郎將翰林良醫武功武德和安成和成安成全武顯武  
節平和武略保安武經武義武翼郎太子中舍人太子舍人親王  
府翊善贊讀直講太常丞判太醫局宗正大宗正祕書丞直祕閣  
左右郎將奉議郎大理正著作郎閣門舍人宣贊舍人翰林醫官  
翰林醫效翰林醫痊兩赤縣令太子左右衛司禦清道監門內率  
府率七寺丞祕書郎太常博士樞密院計議編修官敕令所刪定  
官陵臺令著作佐郎國子監丞諸王宮大小學教授國子博士大  
理司直評事訓武通直修武郎內常侍少府將作軍器都水監丞  
監尙書六部門開封府功曹倉曹戶曹兵曹法曹士曹參軍事左  
右軍巡使判官主管太醫局祕書校書郎正字親王府記室太史  
局五官正御史臺檢法官主簿九寺主簿閣門祇候樞密院逐房

副承旨從義秉義郎太子諸寮府副率幹辦左右廂公事忠訓忠  
翊宣敎郎太學武學律學博士太常寺奉禮郎太祝郊社令籍田  
令光祿寺大官令五監主簿宣義成忠保義承事承奉承務郎國  
子太學正武學諭國子太學錄律學正太醫局丞京府判官京府  
司錄參軍承直郎京畿縣令兩赤縣丞三京赤縣令承節承信郎  
節度觀察判官節度掌書記觀察支使防集團練判官京府節度  
觀察推官軍事判官防禦團練軍事推官軍監判官節鎮錄事參  
軍京府諸曹參軍事軍巡判官儒林文林從事郎三京畿縣丞二  
京赤縣丞上中下州錄事參軍事三京畿縣丞兩赤縣主簿尉諸  
州上中下縣令丞從政郎諸府司理諸曹參軍事節鎮上中下州  
司理司戶司法參軍修職郎京畿縣主簿尉三京赤縣畿縣主簿  
尉諸州上中下縣簿尉城砦主簿馬監主簿迪功郎諸州司士女

學助教爲官職襍壓之序

官品紹興乾道慶元先後修定開有官勳已從罷省而令仍不廢  
今具載焉

諸太師太傅太保左右丞相少師少傅少保王爲正一品諸樞密  
使開府儀同三司特進太子太師太傅太保嗣王郡王國公爲從  
一品

諸金紫光祿大夫知樞密院事參知政事同知樞密院事太尉開  
國那公上柱國爲正二品  
諸銀青光祿大夫簽書樞密院事觀文殿大學士太子少師少傅  
少保御史大夫吏部戶部禮部兵部刑部工部尙書左右金吾衛  
左右衛上將軍翼亮青徐兗荆豫梁雍州牧殿前都指揮使節度使  
開國縣公柱國爲從二品

諸宣奉正奉大夫觀文殿學士翰林資政保和殿大學士翰林學士承旨翰林學士資政保和端明殿學士龍圖天章寶文顯謨猷敷文閣學士樞密直學士左右散騎常侍權六曹尚書上護軍爲正三品

諸正議通奉大夫龍圖天章寶文顯謨猷敷文閣直學士御史中丞開封尹尚書列曹侍郎諸衛上將軍太子賓客詹事開國侯護軍爲從三品

諸通議大夫給事中中書舍人太常卿宗正卿祕書監諸衛大將軍殿前副都指揮使承宣使開國伯上輕車都尉爲正四品

諸太中大夫保和殿龍圖天章寶文顯謨猷敷文閣待制左右諫議大夫權六曹侍郎七寺卿國子祭酒少府將作監諸衛將軍輕車都尉爲從四品

諸中大夫馬步軍都指揮使副都指揮使觀察使通侍正侍宣正履正協忠中侍大夫開國子上騎都尉爲正五品

諸中奉中散大夫太常宗正少卿祕書少監內客省使延福宮使景福殿使太子左右庶子樞密都承旨中亮中衛翊衛親衛大夫殿前馬步軍都虞候防禦使捧日天武龍神衛四廂都指揮使團練使諸州刺史駙馬都尉開國男騎都尉爲從五品

諸朝議奉直大夫集英殿修撰七寺少卿中書門下省檢正諸房公事尚書左右司郎中國子司業軍器監都水使者太子少詹事左右諭德入內侍省內侍省都知副都知宣慶宣正昭宣使拱衛左武右武大夫入內侍省內侍省押班樞密承旨副承旨驍

騎尉爲正六品

諸朝請朝散朝奉大夫起居郎起居舍人侍御史尚書省左右司

員外郎樞密院檢詳諸房文字石文殿視閣修撰開封少尹尚書  
諸司郎中開封府判官推官少府將作軍器少監和安成和成安  
大夫陵臺令飛騎尉爲從六品

諸朝請朝散朝奉郎殿中侍御史左右司諫尚書諸司員外郎侍  
講直龍圖天章寶文閣開封府司錄參軍事樞密副承旨樞密院  
諸房副承旨武功至武翼大夫成全平和保安大夫翰林良醫太  
子侍讀侍講兩赤縣令雲騎尉爲正七品

諸承議郎左右正言符寶郎監察御史直顯謨徽猷敷文閣太常  
宗正祕書丞大理正著作郎崇政殿說書內符寶郎正侍至右武  
郎武功至武翼郎和安至保安郎翰林醫官閣門宣贊舍人太子  
中舍人舍人諸率府率親王府翊善贊讀直講判太醫局令翰林  
醫效醫痊武騎尉爲從七品



諸奉議通直郎七寺丞祕書郎太常博士樞密院計議官編修官  
敕令所刪定官直祕閣著作佐郎國子監丞諸王宮大小學教授  
國子博士大理司直評事訓武修武郎內常侍開封府諸曹參軍  
事軍巡使判官京府判官京畿縣令兩赤縣丞三京赤縣畿縣令  
太史局五官正中書門下省錄事尚書省都事爲正八品  
諸宣教宣義郎御史臺檢法官王簿少府將作軍器都水監丞寺  
監主簿祕書省校書郎正字太常寺奉禮郎太祝太學武學律學  
博士主管太醫局閣門祇候樞密院逐房副承旨東西頭供奉官  
從義秉義郎太子諸率府副率親王府記室節度觀察防禦團練  
軍事監判官節度掌書記觀察支使京府節度觀察防禦團練軍  
事推官諸州簽判節鎮上中下州錄事參軍京府諸曹參軍事軍  
巡判官承直儒林文林從事從政修職郎京畿縣丞三京赤縣畿

縣丞諸州上中下縣令丞兩赤縣主簿尉諸府諸曹節鎮上州詩  
司參軍事節度副使行軍司馬防禦團練副使太史局丞直長靈  
臺郎保章正翰林醫愈醫證醫診醫候三省樞密院主事守開王  
事令史書令史爲從八品

諸承事承奉郎

理親民資序者從八品承務郎準此

殿頭

高品

郊社籍田

太官

令國子大

學

正錄武學諭律學正太醫局丞忠訓忠翊成忠保義郎挈壺正

京畿縣主簿尉三京赤縣主簿尉諸州別駕長史司馬樞密院守  
闕書令史爲正九品

諸承務郎高班黃門內品承節承信迪功郎中下州諸司參軍間  
州上中下縣主簿尉城砦馬監主簿諸州司士文學助教翰林醫  
學爲從九品

學欲求其品

賦上中不特主其論說然其論說之主謂之曰曰士之學也其學也

其學也其學也其學也其學也其學也其學也其學也其學也其學也

其學也其學也其學也其學也其學也其學也其學也其學也其學也

其學也其學也其學也其學也其學也其學也其學也其學也其學也

其學也其學也其學也其學也其學也其學也其學也其學也其學也

其學也其學也其學也其學也其學也其學也其學也其學也其學也

其學也其學也其學也其學也其學也其學也其學也其學也其學也

其學也其學也其學也其學也其學也其學也其學也其學也其學也

其學也其學也其學也其學也其學也其學也其學也其學也其學也